

眞繫

ル 5

3254

8



凡 5  
3254  
8

續纂書目

人物一冊全

趙州師 範蒞屏纂輯

圖書印

續纂書目印

漢

晉

唐

宋

元

明

續纂六之二

人物目錄

續纂書目印



國朝 詞館 省元附

試差學差同考紀

選舉考

學校考

滇學

人物繫

趙州師 範荔屏纂輯

漢盛覽字長通樸榆人也學於司馬相如所著有賦心四卷嘗問相如以作賦相如答曰合纂組以成文列錦繡而爲質一經一緯一宮一商此賦之迹也賦家之心包括宇宙總覽人物斯乃得之於內不可得而傳覽乃作合組歌列錦賦而退終身不復言賦同時有張叔者天姿穎出過目成誦俗不知書叔每疾之思變其俗元狩間聞相如至若水造梁距樸榆二百餘里親負笈往從之受經歸以教鄉人

滇學 六之一

人物



隗叔通若水人也性至孝母好飲江水叔通日入江取水以給  
冬夏天爲出平石至江中人謂之孝子石見酈道元水經注  
許叔善聞人也章帝元和中入中國從師受五經歸教郡人  
尹珍字道直牂牁母歛人桓帝時自以生於荒裔不知禮義乃  
從汝南許慎應奉受經書圖緯學成還鄉里教授於是南域始  
爲學焉官至荊州刺史

爨習建甯郡人丞相亮平南中收其俊傑爲官屬習官至領軍  
時朱提孟琰者亦以材見收用官至輔漢將軍

阿南者酋長憂阿奴之妻也夫爲漢將郭世忠所殺欲妻之贈

以衣飾阿南恐逼已給之曰妾欲從君君能從我三事乎曰從  
一須作幕次祭故夫二須焚故夫衣易新衣三須令國人徧知  
禮嫁明日如其言聚人張松幕置火其下阿南抽刀出令火熾  
盛乃焚衣告曰妾忍以身事讐乎遂引刀自斷身赴火中時六  
月二十五日也國人哀之每歲以是日焚炬聚會以弔之後人  
名爲星圓節

吾廬遺樸榆人也成帝咸和二年蜀賊李雄攻建甯時遺爲秀  
才起義攻雄大破之雄遁走

謝恕字茂理牂牁母歛人咸和八年甯州爲李雄所破南中盡



爲雄有惟恕保郡獨爲晉官至撫夷中郎將甯州刺史  
傳寶字紀圖平夷人仕爲尚書郎長安令時號南州人傑  
唐段赤城樸榆人有膽畧勇於爲義衆詔時龍尾關外有大蟒  
吞陷人畜衆苦之赤城披甲持雙刀赴蟒蟒吞之刃出於背蟒  
亦死土人剖蟒腹出赤城骨葬之建塔冢上煅蟒骨以聖塔  
楊興永昌人蒙氏時爲布燮天寶八載率所部入附天子下璽  
書褒美旌其門子孫世爲永昌酋長  
張志誠善聞人憲宗元和中游成都學書得二王帖寶惜之日  
臨數過及歸從學書者甚衆

王仁求安甯人爲河東州刺史教民以生聚阜財之道賦役均  
平恩義兼濟人心咸服夷風丕變子善寶以雲麾將軍持節河  
東諸軍事亦有治蹟

閉珊居集者霑益州烏蠻也精卜筮之學其法用細竹四十九  
枚以代蓍草或以雞骨爲之占算如神夷中稱爲筮師

阿呵者馬龍州人納垢酋之後也棄官職隱山谷中撰爨字字  
如科斗二年始成字母一千八百四十有奇名曰隄書爨人至  
今習之爲書祖云

楊奇鯤樸榆人也讀書貫穿百家尤長聲詩唐詩載其一首云



風裏浪花吹又白雨中嵐影洗還青江鷗聚處窗前見林狖啼時枕上聽

慈善者唐鄧睽詔妻也開元中南詔旣強有併吞五詔之心六月二十五日星回節南詔召五詔燕會慈善逆知其謀止夫無往夫曰勢不可已婦乃作鐵釧約其臂而去旣而南詔果焚五詔皆爲灰燼伴曰五詔醉失火焚死各詔骸骨無從辨認獨慈善輿夫屍而去南詔聞其哲欲娶之慈善閉城自固南詔發兵圍之三月食盡乃盛衣粧西向自縛於座竟以餓死臨卒曰吾往訴夫冤於上帝南詔聞之悔曰悞逼此貞節婦乃旌其城曰

### 德源城

太和段宗勝南詔臣也師子國王伐緬緬求救於南詔遣宗勝將兵救之時詔老子世隆幼權臣楊苴顛熾盛宗勝恐其篡奪乃請曰今臣救緬若權不重人不用命必專生殺方可許之遂出令限七日齊軍於河尾惟統矢違限遂斬其將乃苴顛子也旣入緬得勝獲師子國旗幟金鼓兵仗而還緬王酬以金寶不取取佛舍利至騰越聞詔卒苴顛果篡立宗勝與苴顛書云王崩子幼聞公攝位國家之福也曩承詔旨率師救緬師子國不戰而潰緬王酬我佛舍利今凱還倘率國中多人迎舍利境上榮



甚直顯得書率國中耆艾服龍衣手執金爐盛陳儀衛至義修相見宗勝云先拜舍利直顯下拜宗勝斬之歸求世隆立焉宋高量成段氏相也避位不仕築城於威楚之德江村優恤孤寡教誨子弟風俗翕然丕變稱爲夷中君子

李紫琮大理人以其主段和譽命爲進奉使入貢於宋過湖南聞學校文物之盛請於押伴求詣學瞻拜宣聖像邵州守張察許之遂往遍謁見諸生又乞觀御書閣舉笏叩首

元高泰祥者南詔段氏相也世祖率衆二十萬來攻泰祥以死拒戰衆寡不敵走姚州募兵勤王復戰兵敗被虜世祖訊之不

屈欲官之嫚罵不受斬於五華樓下臨刑曰段運不同天使其然爲臣死國職也吾事畢矣時烈日當午雷電大作風沙愁慘觀者萬人莫不洒泣元主曰忠臣也命收葬之

陳惠亦段氏臣四川明玉珍紅巾攻善闡梁王奔威楚總管段功救之與紅巾戰間伺得玉珍母書語子成功乃返功更其詞募軍中無人敢持書者惠願往功難之惠曰以吾一命救萬人當不負但老母無養耳功曰迎爾母宮吾宮膳爾無顧也惠遂持書往玉珍得書默然揮之出飯惠詣功言狀功下令曰紅巾今夜必回使人偵之果然追至七星關大破之欲官惠惠



不受

王昇字彥高昆明人資稟聰敏官至宣慰副使以文章政事名於南詔中州文士宦滇者咸與交遊焉同里張景雲亦以理學文章顯景雲字天祥官登仕郎

楊昇太和人性質超邁儒吏無不通至正中以討明玉珍功官拜本路同知卒子寶爲姚安路判官從征克蔚州曹州遷大理路至正中梁王段氏構兵寶曰兩兵相鬪民有供餉鋒鏑之苦極了解和土人深感其德

董文彥通海人任威楚路知事中慶路鎮將敗狐叛引兵攻威

楚官吏皆走文彥獨不去賊欲降之文彥怒曰汝食君之祿不思報恩逆天殄民滅棄綱常恨不能殺汝乃從汝反耶賊怒梏之文彥罵不絕口截其耳使啗焉文彥嚼血噴賊遂遇害明年敗狐伏誅事聞賜謚莊愍官其子時中爲祿豐主簿

楊淵海南詔臣事段功功有寵於梁王淵海出語人曰吾主與我無生還日矣人恠之曰主自怙寵於君何預淵海曰豈有食人之食而不同其難者明年功果爲梁王所害淵海死之

楊惠楚雄人父蚤喪事母劉氏盡孝母遘疾幾危惠不櫛髮不解帶者月餘禱神求以身代劉氏夜夢神告之曰爾壽當終爲



爾子孝誠所感今特延之次日果瘳壽至八十五卒惠負土營墳廬於傍者三年哀毀喪明有司以聞旌其門蠲其徭役同時昆明則楊立義臨安則張友直董茂春河陽則段文瑞姚州則趙和皆以至孝著稱朝廷旌之

麥宗者通安州麼些人也生七歲不學而識文字偶入玉龍山中見盜中水飲之遂知禽鳥語一日羣鴉在林有一鴉從南來哀鳴甚急羣鴉從之宗曰此雄鴉爲白沙里人所弋迹之果然長而百蠻諸夷之書無不通曉善闡國稱爲異人焉

楊保楊名太和人皆段氏臣洪武十五年明兵入大理保遣第

名往探緩急約以翌日日出爲期名過期不至有頃聞國破遂自縊死名至亦解弓弦自縊國人義之合葬於宏圭山

阿禱者梁王女也梁爲紅巾所攻平章段功救之梁王德功以女妻焉旣頗猜忍欲鴆之禱知其謀以告功不信遂遇害禱悲憤作詩自悼不食而死時功女羌奴方幼聞變手繡一旗爲志誓復父讐及嫁以畀其弟寶

明吳孝先嶠峨人也幼名虎兒洪武間方十歲隨父出遊父偶爲虎所攫孝先皇遽間取父所佩刀斫虎腰應手而斃父得生還人咸異之一時稱爲孝童



丁嵩永昌人有至性自少至壯動無違禮開館教里中子弟從者如雲洪熙中舉懷才抱德科辭不就徵宣宗卽位下詔求直言嵩陳首務八策一曰正心術則天道應二曰重經筵則宗社福三曰開言路則聞見定四曰用賢才則政治美五曰總大綱則庶務舉六曰汰冗兵則軍儲足七曰重守令則邦本甯八曰崇節儉則財用足上嘉納詔所司強起之至中道卒所著有橫峯樵唱

李純昆明人少不羈有智畧正統間舉孝廉爲監察御史按遼東時土木之變純曰胡虜以我兵勤王而西必出吾不意乃選精銳八百分布要害虜果以二萬騎直趨遼東未至二十里純設兩伏待半入舉火擊之虜騎中斷斬馘無算自是不敢復窺東陲後巡撫榆林大虜歷境純微服潛行賊中盡得其虛實部署諸將擊其不備大破之虜遠遁去卒於官

段子澄太和人爲諸生時卽以志操自厲鄰女私奔却之不內路得遺金求還其主及入試試官得其卷夢有神人薦之遂舉天順壬午鄉試第一仕至別駕鬱鬱不自得竟謝病去居鄉以盛德雅量見推里閭謂太邱彥方之亞也

楊一清字應甯安甯之石涼人也幼穎悟絕倫一覽成誦八歲



以神童入翰林憲宗命內閣選師教之十四舉於鄉成進士歷事四朝出將入相經畧固原以五千人破虜數萬總督三邊營河套奪邊城增花馬池邊境肅靖其用兵如神算無遺策臨機應變動合事宜再入內閣與張永共誅逆瑾反危爲安宗社賴之官至少師大學士卒謚文襄

趙弼字廷直太和人舉成化辛丑進士官至太僕丞清介恬退始終一揆僚友有馳競者恥之不與言罷官里居躬耕南畝與農夫耦宴然自足若未嘗顯者同榜姚祥來爲監司過其廬弼適芸田投耒見之詞色無怍祥問生事何襄答曰差勝諸生時矣遺之金不受祥歎息而去

楊黼字存誠太和人博學多聞隱居不仕孝友好施家貲盡以予人自甘粗糲庭前桂樹扶踈蟠蹙巢居其上命曰桂樓讀書不輟一日硯水枯欲下取之顧視則水溢矣自是遂通靈後入雞足栖巖穴中八十餘卒卒之日交遊盡見其至家爲別又有入於安甯道上遇之疑其仙去也所著有桂樓集篆隸宗源行世

張志清字進之永昌人天性聰哲六藝咸通登成化甲辰進士爲選部郎用賢拔滯門無私謁歷官戶部侍郎謝病歸功業風



節爲時崇尚晚歲著書自娛有南園集西銘通南園漫錄續錄  
行世

張璉字廷璧平夷人成化三年進士爲重慶守治行爲天下第一宏治初南贛閩廣夷寇爲亂以璉備兵江右旣至治城池積糧糗練士卒修器械設防禦地方賴以無虞尋以事去羣盜復起詔復任璉賊聞其至悉解散歲餘復謝病歸家四壁立璉有吏才通達治體盤錯立解所至有神明聲然以剛直不阿未究其用也

楊南金字本重鄧川人宏治己未進士爲太和令有三不動之

謠謂刁詐脅不動財利惑不動權豪撓不動也擢監察御史時逆瑾威震中外都御史其黨也凌辱屬官南金不爲屈一日叱欲縛之南金解冠帶曰不作此官便了豈可屈於權奸乎卽日出都行二百里瑾使人捕不及除其名於嘉靖初起楚臬尋謝病歸性嚴重不苟言笑至於扶良善卹孀寡竭力爲之八十餘卒祠於鄉

雷應龍字孟升蒙化人正德甲戌進士爲莆田令有古循吏風所建立皆愜民心巨璫遣人督方物甚橫應龍械繫之擢御史伉直敢言嘉靖初因災異上八事曰務實學親大臣放宮人去



無益正禮教改編發宥罪謫均賦役上嘉納之有中貴營乞織造得請應龍手疏極論之不報恚憤成疾卒中外莫不嗟悼張西銘字希載甯州人母夢黃鶴入帳而生年十三五經皆成誦舉進士爲金谿令先教後刑民相戒無敢犯法者縣有虎暴西銘爲文禱於神虎遁去蝗傷稼亦隨禱而滅拜監察御史按遼東繕城塹閱軍實劾邊將失律者邊境以甯平生博雅修潔爲政識大體不爲苛察卒之日朝野皆悼惜云

趙德宏字有容鶴慶人舉孝廉孝友謙恭人無間言父在京病劇宏爲嘗糞及卒哀毀骨立假貸營斂徒跣偕傭人肩輿以歸廬墓三年歛有白犬朝夕相伴小鳥巢於塋樹呼卽啄食知府唐標親至其所唁之賦贈有加出判順慶知潼川咸有異政撫麗江夷土舍高鵬餽金八百宏立卻之里居環堵蕭然當事榜其門曰孝廉

楊元字務本永昌人潛心理學沈默靜坐頓悟邵子先天數學人有叩者應驗如響爲諸生遊太學歸隱居不仕從學者甚衆當道重其爲人時有饋遺悉辭不受強之則封識以待其去任還焉所著有納甲圖九圭數學基指南行世

楊全劍川人父繼宗爲土官部曲海真所殺全方在襁褓及長



知父死非命矢志復讐乃拜海真夫婦爲父母一日治酒邀真酒醉拔刀殺之土官聞欲甘心焉全竄麗江爲麗江奏他事連土官得請土官死於獄全曰吾事畢矣遂入山窮困以死  
楊士雲字從龍亦號九龍山人正德丁丑進士改翰林院庶吉士授給事中以養母乞歸不復出嘉靖初詔強起之補宮寮辭疾不就人問其故曰吾豈能俯仰人以求進乎居里二十餘年郡縣罕見面鄉人不知婚娶喪葬之禮士雲條析教誘令易奢爲儉通國化之自少至老手不釋卷又精風角每中夜步觀星緯或喜或歎不以語人所著有皇極天文律呂諸書

紀經綸字肫夫臨安人天資純朴不妄言里中稱爲篤行君子嘗市一婢察其言貌頗異問之曰父爲百戶立功貧迫至此遂養爲已女厚嫁之舉孝廉爲上蔡令以計擒劇賊黑龍黑象黑虎等開溝繕城百姓利之跡其生平志操無媿於前哲云

張含字愈光志純子也舉於鄉不仕遊梁楚間善爲詩李獻吉何仲默咸亟稱之里居時成都楊修撰慎謫戍金齒意不可一世而獨與含友善倡和不絕手爲點定其詩有禺山集行世時太和布衣董難者字西羽亦以詩名從慎遊寓蕩山一樓輯轉注古音不樂仕進以終其身



孫繼魯字道夫進士仕至都御史慷慨有大節秉正嫉邪不阿權貴守衛輝以迂闊人逮詔獄民遮道號哭臥轍下死者十餘人調淮安有羨銀萬金例爲督撫及守用者繼魯分毫不取督撫欲取之亦不與也歷官至都御史撫山西竟以慙直爲輔臣中傷下獄死死之日所治民聚千百於京師巷哭之長安爲之罷市隆慶初加贈祭諡清愍

李資坤字伯生昆陽人也幼以孝友端謹聞舉孝廉歷官郡守所至咸有異績肅皇帝考廉吏爲天下第一居家置義塾教子弟不詣公府性剛介寡合而好古信義老而彌篤積書數萬卷

研誦終日自稱一蠹居士

李元陽字仁甫太和人少夢神人授錦三丈令吞旣寤詞藻奇麗舉進士選授庶吉士以議禮不合謫分宜令有異政拜監察御史侃侃敢言獨立不阿當事者銜之會扈駕至荊州荊州守缺卽推元陽無何竟罷之元陽倣儻有奇節文章德行皆爲中外崇重家居孳孳爲善惟恐不及兩修郡乘卓然成一家言年八十餘卒元陽爲御史時按閩墨吏望風解印綬去遇文人墨士雖布衣與抗禮後大理高封至風裁尤峻捕境內豪強一空閩至今稱兩御史云



郭文字仲炳昆明人浮家泛宅以詩自娛常往來滇洱間自號舟屋楊慎稱其竹枝詞云金馬何曾半步行碧雞那解五更鳴儂家夫婿久離別恰似兩山空得名又登太華寺一聯云湖勢欲浮雙塔去山形如擁五華來一時詞人咸爲閣筆有舟屋集時同邑李尙文者亦布衣有詩名遨遊公卿間及楊林蘭茂安甯張維皆以文章行誼爲鄉里崇尚絕意仕進模楷後學時人爲之語曰楊林有蘭安甯有張而太和段錦文金齒湯琮曲靖項瑄柴宗儒鶴慶奚謙姚安李黻先後隱居不仕咸有時稱琮題鸚鵡詩云翠閣香閨帶綠陰忽聞靈舌轉嬌音總將懷袖溫

存意不稱雲林自在心籠絡反因毛羽誤矜誇休羨賦辭深隴山煙雨春雛小莫遣虞羅着意尋當時目爲湯鸚鵡又有明經陶甯者字致遠亦永昌人有詩云杜宇枝頭百舌吟何人不動惜芳心桃花紅雨梨花雪鋪得春愁一寸深又題菜燈有云草堂照破壘鹽夢華屋燒殘肉食心惜其全集不傳張志純南園續錄又載一塾師送客詩云紛紛車馬駐江干布襪青鞋我獨難惟有相思心一片隨君千里到長安山行云山勢似墮不墮水聲欲停未停行過小橋回首天然一幅丹青如此類甚多而識字尤博乃姓名湮沒無聞可惜也



嚴清昆明人登嘉靖甲辰進士歷官清介秋毫無取月俸衣食之外以贍親故布袍蔬食終其身萬歷初爲吏部尙書裁汰冗倖振拔寒畯中外仕路爲之一清無何致政歸家居室廬仍諸生之舊當事者欲爲更新力辭不可杜門却軌卒世無所造請論者謂楊文襄之後一人云

楊雨太和人郡吏也有志節不與胥曹偶人餽之問所從來出借貸則不受曰已有之則受十之一人久而知其廉也皆給曰貸槩不受也雨方正倬直有冤事必力爭於庭守怒笞之起而復爭初疑其有私旣知無他亦時時嘉納之一時無冤民云冬

月其犍無襪藉之以草役滿徑入雞足山郡守聞諸當事者往物色之不得也

趙愷尋甸人性行誠朴爲鄉人所重嘉靖六年鉉賊攻城愷首率衆拒敵力不支爲所執以刀加頸欲脇從之愷給之曰待回率家眷相從賊信釋之愷至家集衆於前曰今賊勢猖獗人民殺戮殆盡吾惟有死而已我若死汝等舉火焚屋毋致我屍骸暴露可也遂登樓自縊而死衆亦舉火闔家皆自焚惟幼男景新年十三以他出得免時有庠生馮世傑火頭必沙者俱以抗賊死



左正字龍圖號三鶴蒙化人士知府能文翰工詩畫有魏晉風  
好尚高潔始辭印歸流官掌之

陳時雨太和人正統丁卯舉人官教授有詩名公十四歲上平  
彝策王尙書驥大奇之次年舉于鄉

賈惟孝字若曾號東晦嵩明人滇志稱其性孝友不求仕進博  
學強記工詩文尤邃於醫

傅良弼字夢賚號西崖昆明人正德甲戌進士歷吏科給事中  
忠壯之曾祖也性篤孝以生母年老力辭歸養鄉里賢之歿後  
入滇孝子祠

王廷表字民望號鈍菴阿迷人正德甲戌進士歷官刑部郎中  
命勘甯夏台法之獄不避權貴改四川僉事罷歸與楊升菴倡  
和著有鈍菴讀史及刪後詩集

胡廷祿號在軒雲南府人正德丁丑進士歷官南戶部郎中因  
講學左遷河南副使尋削籍與升菴禺山諸公唱和甚密

段承恩字德夫晉甯人嘉靖壬辰進士任工部都水主事擢御  
史按遼東順天值邊事告警士卒多悍譏輔貴倖專恣德夫能  
鈐制攝服尋出知辰州府採辦廟材民不擾而事集後以疾致  
仕晉階嘉議大夫著有三巡疏要亦失傳矣楊升庵太史贈有



聯云三簡名巡曾是中朝御史一時謝政便爲陸地神仙當日之重內輕外可想見云

繆宗周號碌溪通海人正德辛巳進士初任戶部主事嘉靖間議大禮受廷杖又爭留大臣謫鬱林州判父暉聞之曰大丈夫事業當如此公益自勵後得召還歷官四川右布政遷浙江左布政所至有聲里居三十餘年清約如寒士

孟富字以安號漁溪昆明人以孝聞嘉靖間母亡父老遂不應制舉承顏之暇專力於學父歿廬墓著有漁溪集升菴爲之點定

唐錡號池南晉甯人嘉靖丙戌進士歷官河南按察司僉事嚴明果決以忤權要歸

施昱字子貞雲南府人嘉靖丙戌進士歷官光祿寺少卿公官刑部員外時典試山東稱得士陞本部郎中以議國戚張延齡獄不稱旨落職起補貴州僉事威惠並行因劾處得當欽賜銀幣尋以他事謫官服除再補大名府陞湖廣僉事以擒巨寇功賜綺幣晉官著有禮經疑問

陶廉字介夫南甯人嘉靖己丑進士歷官九江知府所至有惠政卒於官崇祀吉安沅州名宦



張合字懋觀號貢所永昌人志淳子含弟嘉靖壬辰進士歷官湖廣副使文行同父俱載一統志卒祀鄉賢江西按察僉事石城許穀稱先生忠盡在朝之事功在三藩勳名在彝鼎緒餘在文章所著有貢所詩文集

俞汝欽楚雄人嘉靖丙午舉人滇志稱其質性溫粹超然塵外居家不營產業惟以讀書明道自任曾纂修郡志詩文尤爲清逸著有山齋集

范運吉字用修蒙化人嘉靖己酉舉人父先遠遊吉尋至襄陽得屍歸葬廬墓三年方完娶終身不仕志載孝義

唐堯官晉甯人嘉靖辛酉解元屢上春官不第絕意仕進著有五龍山人集

孫繼先字志顯昆明人隆慶庚午舉人歷官承天府同知因事左遷荆王府長史其任江陵縣時招降賊屬三百人蒙賜金褒美遷石西州拓城甃井闢草萊生聚教訓在承天有築隄救荒之績

史旌賢字廷徵雲南縣人萬曆庚辰進士知內江縣有賢聲擢監察御史侍經筵歷七省副使致仕滇志稱其著述甚富今所存者幾希矣



何邦漸字北渠浪穹人思明子萬厯間由選貢厯官無爲下邳知州以賢能著邳人祀之歸里剛介端方人咸敬畏浪邑詩學實自公倡之

馬煜如字彊叔保山人萬厯壬午舉人厯官兩淮運使先是公以兵部郎中出爲貴州安平道時值安奢二酋倡亂盤踞要害商旅不通會藩臬亦更調公慷慨出都朝列餞者皆言此行與虞詡之朝歌何異公曰食祿死事分也至黔卽單騎往諭渠帥撫綏備至奏罷其不便於民者黔中大定後制使抵黔拊其背曰公一人賢於十萬師矣論功遷官後卒於揚州

張聚奎字瑞星趙州人諸生好讀書負氣節州治有石青祠堪輿家謂有關州治風脈久封閉萬厯間中使楊榮開礦雲南遣其黨張文華至趙州聲勢橫暴士民競前拳毆之文華遁訴榮榮上聞遣緹綺械州守甘學書等聚奎直前曰毆文華者獨聚奎也遂並逮至京臺垣論救羣閹必欲寘之死獄繫三年會赦得出已復逮繫會再赦乃釋歸嗣得永閉州人至今義之

閃繼廸字允修保山人萬厯乙酉舉人官吏部司務以子仲儼貴贈檢討賜諭祭公天性篤孝家法嚴正生平喜獎掖人不喜人諛漕澗賊犯郡城建議主勦旣而施甸民爲官所激變公又



建議主撫當事者納其言事悉平鄉人立祠報德著有雨岑園  
秋興吳越遊草其次子仲侗貨千金隨侍遊覽到處父子唱和  
亦著有詩集聞姚佳詩源選閃氏之詩最多云

孫學詩楚雄人萬歷甲午科舉人歷官吏部員外曾著四民圖  
說進呈御覽上曰具見獻納之忠轉四川永甯監軍叅議道倣  
金城屯田法省糧若干後以疾辭歸居鄉仁厚善古文詞工書  
法

楊忠亮字蓋卿石屏人萬歷丁酉舉人歷官固原同知掛冠歸  
優遊泉石以讀書吟咏自適著有素盞草山房漫言等集

葛仲選字澹齊河西人萬歷庚子舉人歷官苑馬寺卿博極羣  
書精於易象尤留意律呂心解神悟著太律十卷焦學士茲稱  
其得千古不傳之秘初知嘉魚縣識金文毅聲於童子試中引  
入署教之盡傳所學文毅之序太律曰吾師之學聲不能窺其  
萬一亦可謂心悅誠服矣

王來儀字仲威昆明人萬歷庚子舉人任吳縣教諭歷官應州  
知州性耿介與上官不合歸甲申聞變門人王錫衮督師赴難  
儀涕泣相對勉以忠孝丁亥流寇入滇罵賊而死

王元翰字伯舉號聚洲甯州人萬歷辛丑進士歷官工科給事



中彈効不避權貴詳本傳

傳宗龍字元憲號括蒼昆明人萬曆庚戌進士知巴縣行取浙江巡鹽御史巡按貴州征安酋有功晉太僕寺卿陞薊遼總督兵部侍郎轉戶部以諫忤旨罷職崇禎戊寅復起四川巡撫尋加兵部尚書又以言事下獄壬午總督陝西征流寇李自成屢破賊兵後軍潰被執賊擁至項城下逼使賺城公大呼曰我傳督也不幸被執速發礮擊賊遂遇害礮發賊退城得全事聞謚忠壯

王錫衮祿豐人天啟壬戌進士累官詹事府正詹吏部左侍郎

枚卜二次予告歸里沙酋之亂起義討賊被執不屈死之子開詳本傳

楊繩武字念爾彌勒人偉貌洪聲兼資文武登崇禎辛未進士選庶常授監察御史巡鹽河東浚鹽池完逋課歲饑設粥濟民全活甚衆妖賊以白蓮教聚衆捕獲首惡其黨立解巡按河南土賊郭三海衆至數萬率兵擒之截殺流寇不敢犯境遂自河南回京條呈數事召對平臺稱旨擢僉都御史巡撫順天駐遵化時流寇猖獗懷宗以勦賊任之晉兵部侍郎總督薊遼軍務賜上方劍治兵有法汎地無虞復命旋京會關門告警廷推赴



援再令督師時病劇力疾至豐潤卒上聞震悼贈光祿大夫太子少傅兵部尚書予祭葬廕一子世襲錦衣千戶楊公明史無傳曾高捷字雲馭賓川人崇禎庚辰進士歷官吏部驗封司員外郎嗜古好學歸林後讀書不輟精求性命之學尤樂善好施孫可望入滇抗節不屈死

楊永言初名瀾字岑立昆明人崇禎癸未進士官崑山縣知縣嚴明有治聲國變後倡義弗克終于僧省志以爲城破巷戰死今據顧甯人集更正

楊應科字時升號順菴劍川人萬曆癸酉舉人初任河南修武教諭陞湖廣湘潭縣令聘四川壬午科考試官以親老告休從

祀本州鄉賢

文祖堯字心傳號介石呈貢人天啟辛酉選貢操履嚴正敦崇實學初任四川名山縣訓導刊進修日程以古道訓士士習爲之不變崇禎癸未晉江南太倉州學正首輯 黌宮整祭器修祀典刊儒學日程頒諸生俾日記善過月朔考其進退躬行以率之一時咸謂安定復生甲申國變後人情洶洶孺人郭氏倉卒偕女赴水死先生棄官從中峰寺蒼雪師遊僑寓曇陽庵服僧服以青鳥術自給婁人無賢愚貴賤愈益敬愛周以粟帛吳浙獨行君子爭相延致歲會講學後還鄉士大夫競爲詩歌送



行繪像作傳以誌思慕既聞先生道卒因就其所常居室爲位以哭顏曰思賢廬以祀之私謚貞介先生

何蔚文號穉元浪宮人鳴鳳第五子邦漸之孫志稱邑人能詩自邦漸始然邦漸以文名如法象論其最著者蔚文之詩殆較勝於邦漸云

李思揆號鶴胎南甯人吏部郎希揆弟布衣工文詞善草書流賊陷曲靖公不屈斷左右手絕復甦後以筆縛肘抄書六十萬餘言

陳佐才字翼叔蒙化人少倜儻不羈世亂習才技隸沐黔國標

下受弁職後乃隱居發憤尙學喜吟咏著有甯瘦居天叫集是何庵等稿暮年鑿石爲棺作詩自挽云明末孤臣死不改節埋在石中日煉精魄雨泣風號常爲弔客遠近知交皆有和章名石棺詩俱鐫棺上及死子孫遵遺囑卽瘞於內翼叔詩多血性語不事推敲而自有遠韻深情如題 關帝廟壁云漢家無寸土關帝廟常存試問何功德殺戮爲天尊曹瞞亦殺戮至今鬼猶哭樂府云龍老有小龍鳳老有小鳳其對月飲云飲乾酒數盃腹裏有明月小陽春云背時桃與李越分門繁華若是春來到何顏又放花賣磬云我夢已驚醒又醒他人夢送遠曲云臨



欲別時不及問可過雲遮那座山吁可哀已

許鑑字國器石屏人嘉靖乙丑進士累官監察御史時諫官詹仰庇斃於廷杖人懼權璫莫敢近鑑伏其屍大哭上聞之乃命收葬出爲江西副使剛方自持與巡按不合遂致仕歸

包見捷字汝鈍建水人萬厯己丑進士厯官吏部左侍郎公劾穎異八歲能爲七言詩選庶常爲焦竑董其昌所推重改禮戶兩科給事中時遣中貴分出採金權稅每中旨出輒力諫章凡十餘上有云開礦之害陛下謂徒取諸山澤在礦使實奪取之民民間搥擊入山者十二載虎兇出柙者半天下詞意激切上

震怒謫貴州布政司都事癸丑召入爲戶部主事遷尙寶卿尋晉太僕寺卿公熟於憲典公卿輒就諮訪多所匡濟出爲江西巡撫戢宗人練軍實甄流品晉少宰之明年病卒贈工部尙書賜祭葬

楊向春號野巖雲南縣人初爲諸生習舉子業久之棄去隱深山中究邵子先天之學厯數十年盡悟其祕遂能前知後遍遊名勝遇名人授以易學歸著皇極經世心易發微格物篇

薛繼茂字懋敬永昌人萬厯癸未進士少刻厲有大志由知縣厯官湖廣道御史慷慨言天下事不少隱諱初並封之議神宗



謀於閣臣時王錫爵以爲可及旨出舉朝力爭歸咎錫爵惟繼茂疏最和平復上書相國事得寢又疏出滇臬李材於獄旋奉命巡按貴州請增解額五人繼爲怨者所中削籍歸後追錄忠直贈光祿少卿

楊棟朝字夢滄劍川人萬曆癸丑進士歷官南禮科給事中有直聲疏參魏忠賢削籍歸後起吏科遷光祿寺卿

趙汝濂字敦夫嘉靖壬辰進士歷官副都御史侃諤有大臣風其官考功時值京察總憲欲調某御史濂曰考察摘過不宜調無過之官及上疏趙文華在黜中冢宰難之濂曰文華不黜則

無可黜之官矣其剛直不阿類如此致仕家居敦內行不置產業營一草庵匾曰覺真推所積俸與親族共之

楊春震武定府和曲人萬曆庚子舉人知湖廣夷陵州力鋤豪強風節凜然性孝友聞父病告歸侍藥累月衣不解帶守喪哀毀骨立不用浮屠士論重之又友愛庶母弟春霖春霽事庶母敬謹塋祭以禮霖霽相繼卒震哀悼廢寢食霽妻辛氏守節遺一女震憐恤倍已出焉

楊祐武定人春震子以副榜官趙州學正端方淳謹卓有長者風工古文詞博通典要淡志聲華孫可望據滇迫以官力拒不



就士論重之

塗時相字揆字石屏人萬曆庚辰進士歷官南京太僕少卿閣臣張位薦其方正敏達其守大名府時置常平倉遍給牛種在任五年所轄州縣積粟至數十萬朝議推爲廉能第一神宗賜錫謝病家居後巡撫陳用賓以征伐議加稅充餉公上書力爭語甚激切天啟辛酉尙書御史等請以時相當平倉政績下直省爲郡縣式詔令頒行天下所著有仕學膚言養蒙圖說

陳鑑字虛白石屏人萬曆丁未進士歷官廣西左江道副使以廉正著見璫禍起致仕歸念環屏多賊土城難以捍禦慨捐多

金改建磚石後賊起攻城不克人賴以全康熙年間屏人建三賢祠祀之

吳宗堯字協卿騰越人嘉靖癸卯舉人歷官馬湖同知補延平所至有聲終養歸嘗從湛甘泉蔣道林講學學者多師之輯郡乘二集

讀徹初字見曉後更蒼雪呈貢人俗姓趙童年隨父祝髮於昆明之妙湛寺性聰敏崇禎間飄然湖海因達吳門受一雨禪師衣鉢住中峯山講演諸經重興支公道場詩名籍甚與眉公元宰虞山梅村烟客友善皆謂慈恩皎然復生著有南來堂集



普荷名通荷號擔當晉甯人唐氏子名泰號大來秀水張庚浦  
山畫徵錄云大來年十三補弟子員天啟中以明經入對大廷  
嘗執贄於董思白之門過會稽叅雲門湛然禪師回滇未幾聞  
中原亂遂薙髮從無住禪師受戒律結茅雞足山工詩有脩園  
集儒生時作櫪菴草則出世後詩也善畫取法於雲林其自題  
云大半天冬識我心清霜幾點是寒林荆關代降無蹤影幸有  
倪存空谷音又云老衲筆尖無墨水要從白處想鴻濛可以得  
其意矣又其自跋櫪菴草云前名普荷從戒師無住遵戒而不  
嗣法今名通荷從先師雲門嗣法而遵正眼且云有沙門而士

者洪覺範是也後世則湛然雲門和尚偈頌中有風雅遺意其  
皈依如此

法天字無極太和人感通寺僧也洪武初入朝獻龍女花一枝  
龍馬一匹平南賦一篇詩二首召對稱旨擇寺館之辭朝時御  
製詩送行復命朝臣高僧各次原韻以送之並命葺師所住感  
通山寺賜世襲都綱

善堅字古庭昆明人成化間落髮於五華寺隨尋師訪友足跡  
將遍天下自得西蜀無際祖師薪傳隨處開堂說法化導羣迷  
於金陵之牛首舒州之浮山兩大廢刹出力尤多回滇後黔國



公沐氏建歸化寺請師開山相傳爲肉身成道塔在法幢寺中  
著有山雲水石四卷已奏請入大藏經

淨倫字大魏昆明人落髮於太華山之佛巖寺天順癸丑往金陵牛首山承受古庭師之鉢遂到西蜀大興萬佛禪林有語錄詩集載在南藏

本智字朗目南甯人落髮於本縣之普照寺嘉靖間遍遊天下名山歷訪諸大知識曾興舒州浮山一切舉動皆肖古庭人皆謂師乃古庭師後身著有清心集

釋禪字本無昆明人祝髮於通海縣之秀山萬歷丁巳沐公增

題建鷄足山悉檀寺延師開山沐公爲請大內藏經蒙光宗特允頒賜兼授紫衣并僧錄左善世之秩著有老子元覽楞嚴懺法風響集禪林佛事并詩文偈頌若干卷

大錯崇禎間祝髮鷄山每爲人題書詩文皆落大錯和尚四字曾修鷄山志或云卽江南潤州人錢邦芑云

國朝王宏祚字懋自號思齋保山人由舉人歷官戶部尙書加太子太保後改兵部尙書以年老乞休疏再上得請居金陵數年卒謚端簡著有頤庵詩文集先是公以戶部郎中督餉大同會明季國變恭值本朝定鼎擢岢嵐道復留大同理餉再歲以才



能著名仍官戶部郎中是時天下初定畧籍散失公精於典故善強記戶部特疏委修賦役全書加太僕卿由是備叨恩遇時滇南初平上籌滇十議疏會星變求直言上疏剴切事載通志按公自筮仕至王師平滇離家已二十餘年間父母已卒卽疏乞假省墓康熙元年蒙賜諭祭聞之父老云公廬墓畢將入京見時政有不便於民者悉爲當路言除之是公之功業在朝廷和惠在里閭猶有可感者

虞世瓔字虞山昆明人由薦辟授光祿寺署丞歷官通政司右叅議工書法供奉內廷蒙眷顧康熙二十一年致仕歸年

### 八十六卒

高衍映號雪君世襲姚安土同知博學能文著有妙香國草增訂來氏易註等音聲位合彙續鷄足山志暨理學西銘諸補述數十種

趙士麟字麟伯號玉峯河陽人順治辛丑舉人康熙甲辰進士授貴州推官時滇黔初平公到任撫綏緝捕不遺餘力會裁缺補容城縣知縣緝盜衛民有聲行取吏部主事升右通政疏陳臺灣善後請設一府兩縣一鎮永作外藩捍衛省沿海之戍卒疏入報可出撫浙江多善政其奏定台州營制尤大裨海防調



江蘇巡撫擢刑部督捕侍郎改兵部侍郎晉吏部侍郎皆能職  
卒祀浙江名宦

李毓奇字少穎鶴慶人歲貢志稱其事繼母以孝聞淹經史工  
詞翰吳三桂聞其名下檄招致奇卻之遁跡山林著書自娛  
龔敏趙州人少孤性篤孝逆藩重其名強之仕堅辭閉門著書  
博綜古學事載通志

郭復號字子鴻趙州人諸生志稱其博學好古著有石頭吟梅  
窗講易已呈入四庫館

彭印古字心符號栖霞蒙化人諸生吳逆變脅以官不受隱遯

西山年三十二遽卒著有松溪詩集

徐崇岳字石公保山人康熙癸卯舉人公車未第遂樂志林泉  
吳三桂聞其名強之仕不屈絕迹公門以詩文自娛嘗與修通  
志所著有造適軒集

徐準慧字德操昆明人諸生性孝友幼卽能爲詩古文詞尤精  
左氏司馬之學旁及釋老稗官山經地志國家典故無不博綜  
廣覽年未二十足跡遍天下七十後改名惠號南村終老於楚  
張端亮字寅揆號退菴蒙化人錦蘊子康熙己酉舉人吳逆迫  
之仕遁水目山爲僧事平返初服



沈秉貞通海人康熙己酉舉人按志稱鶴雛弱冠登第性廉靜孝友好古文辭公車養病黃鵠磯偶遇異人授以辟穀之術因亂逃名築還鶴樓於秀山居之其後同姪孫廷選奉召入京賜予甚厚放還里

王佐才字伯英趙州人康熙壬子舉人吳三桂反脅以官不受籍其家拘會城者年餘終不屈釋歸奉母讀書山中王師復滇授宜良教諭旋請終養服闋再補宜良致仕後年八十餘手不釋卷謙謹如後進及卒士民呈請人祀鄉賢詳載通志孝義傳

朱昂字子眉昆明人布衣工詩善山水著有借菴詩草三卷按孫髯翁海光寺記昂本名源字禹源擔公外甥闔門三百餘口俱遭寇難擔公因携至鷄山從學詩畫釋名把茅還俗名昂錢熙貞字亮采號飛濤武定人康熙補行辛酉科舉人官兵部郎中與段浴川王永齋齊名孫髯翁稱其詩如倩女隔花欹鬟微笑又如迎風折柳不惹纖塵

段標麟南甯人康熙補行辛酉舉人歷官灤州知州有賢聲志載麟幼爲人掠賣能自識其鄉里逃歸苦志讀書過目輒記不忘研精諸籍尤工二王書法著有蠡屋集曾知太湖署望江今



兩縣俱祀名宦

李發甲字瀛仙河陽人康熙甲子舉人歷官湖南巡撫公鄉薦時榜姓施任大理府教授以卓異陞靈壽縣旋擢御史疏增雲南會試額澄清吏治洊歷山東布政使改口北道進天津運司授福建布政使所至有聲再遷湖南巡撫奏分湖南南北兩省鄉試捐建貢院楚人至今祀之

許賀來字燕公號秀山石屏人康熙乙丑進士歷官翰林院侍講著有賜硯堂集 國朝滇人入詞館者自公始居鄉以清節著聞後嗣亦多發科者

何其偉字石民號我堂石屏人其僕弟康熙己卯舉人博學能文官浙江遂昌縣知縣治績著聞尋告養歸家居十餘載足不履公庭以詩書自怡宏獎後進與修省府兩志著有我堂詩古文集

段昕字浴川號皆山安甯人康熙庚辰進士歷官戶部主事著有皆山堂詩集二十卷第曦丁丑進士歷官御史亦能詩兼著直聲

謝履忠字一侯昆明人康熙癸未進士歷官左春坊左諭德同第履厚以文名



徐翔鵬字雲客昆明人孫南村有贈徐雲客范弗如兩先生詩  
亟稱之今皆零落無存惟人傳誦范之東風有信春歸樹明月  
無家夜走天二句或又以此二句爲明末郭璜作徐之墓在昆  
明西山題曰清詩人徐雲客之墓

南天章字漢雲昆明人康熙乙酉武舉歷官湖廣提督公于講  
武之暇留心文翰有祭征虜之風詩亦清婉可誦不愧滇中儒  
將云

何其僕字天成號六谷別號洞虛子石屏人檢討明父廩貢生  
至性孝友學問淵醇工詩文善蘇黃書法又多考歷名山大川  
著有迤江圖說元師平滇道路考西藏指掌圖墨雨樓集

趙河字燕鄰通海人康熙壬午舉人官蘆山縣知縣先生爲巨  
輿方伯季父巨輿諸昆皆從受業著有待焚草一卷互輿跋云  
季父純孝平生口不言阿堵物惟於書未嘗釋手過眼成誦所  
爲文不一格率皆吐棄一切絕不猶人訓子姪讀書當領取神  
氣行文當抒寫性靈於詩初愛太白後乃心慕少陵宋代推子  
由聖俞斷句推臨川所爲詩文大都不存稿嘗謂古詩十九首  
尙不肯以姓字留人間後因城力請乃酌定此本在任未半載  
謝病歸居林十二年布衣蔬食萬卷一瓢陶然自足云



楊暉吉字有孚太和人歲貢又號勿庵子有且詩一卷自爲序言且自作之且自歌之且自聽之且不自知序作於康熙甲寅先生兩遭滇南變亂諸難顯言故其感時憂國之念皆託之詩歌經姪曾孫履寬丐胡羨門選評羨門謂爲濃而不縟含新於陳其五言佳處近陶的爲可傳云

王思訓字疇五號永齋昆明人康熙丙戌進士歷官翰林院侍讀博極羣書爲名諸生數十年旣館選聲逾高督學江西最得士心高安相國甚重之親製文爲壽著有滇乘二十五卷其詩古文詞尤爲擅長駢體亦工

孫鵬字圖南號南村昆明人康熙戊子舉人官泗水縣知縣南村負氣傲岸工詩古文亘輿方伯月槎持御皆極重之

楊師億字士介太和人暉吉姪諸生性純孝亦曠達不問家人有無下帷讀書恬然自得博極羣籍於經史及章亥皇極之學咸有著述

張漢字月槎號蟄存石屏人康熙癸巳進士由翰林院檢討改授河南府知府乾隆丁巳召試鴻博再授翰林院檢討改山東道御史有直聲尋以疾辭歸

趙城字亘輿通海人康熙乙未進士歷官河南布政使頗著賢



聲滇人之宦豫者後惟周公於智足以相繼云

李根雲字仙蟠號亦人趙州人康熙戊戌進士歷官江西驛鹽道公任檢討及比部時屢典文衡及出守青徐二郡司鹺兩淮備兵贛饒調驛鹽道所至有聲七旬謝病後僑寓武昌內轉光祿寺卿辭不赴詩文于脫稿後不復取視浮湛江表者幾二十年凡五監秋闈昨舟泊南昌循卓之聲向在人口望山相國香樹司寇皆交重之

蕭拱璧字象夫號一峯開化康熙庚子科舉人官內鄉縣知縣公九齡以神童補弟子員性好道長漸力學屢試鄉闈不售因

善騎射復入武闈又不售仍中文式雍正初以澉江郡伯張元佐保薦得官治績著聞後丁艱歸里旋卒人以爲仙去云

羅鳳彩字苞儀號竹園石屏人雍正癸卯進士歷官宗人府府丞公居諫垣每奏皆焚其草視學山左弊絕風清東人至今俎豆之生平篤意躬行不立崖異不尚文藻歸林四十餘年日以孝謹樸誠訓子孫人以爲不愧萬石家風云

趙清字粹標趙州雍正丁未進士官教授著有龍溪草州中科甲多出其門子之瑞乾隆乙丑進士未仕卒

陳綸號明齋昆明人雍正癸卯武舉歷官雲南永順昭通湖北



宜昌等鎮總兵所至皆有政聲

劉庶壇字杏友號十紅保山人雍正補行癸卯舉人著有味齋堂詩文全集事親以孝聞原籍福建上杭縣自祖廷標明末宦永昌別駕甲申國變後死流寇之難父某遂家焉仲弟庶埴子錯鑾均善屬詩文

張復字來軒雲南縣人雍正甲辰進士官主事謫官後尹文端公聘修黔粵通志起江西州牧旋以艱歸卒

王瑋字學山易門縣人雍正己酉選拔敦孝友樂施與易門初無女紅其建祈豐祠以興織紡公倡之也晚精岐黃雖遠必赴

雖深夜必至不以貧富有異嘗謂家人曰救疾如救火視人痛當如己痛至今鄉里稱之

許希孔字集成昆明人雍正庚戌進士歷官工部右侍郎羅宗丞竹園先生嘗稱少空立朝恭謹遇事獨持大體明而能斷惟章疏概不存稿有古大臣風

傅爲訖字謹齋號巖溪建水人雍正癸丑進士歷官都察院左副都御史公在朝遇事敢言風節著聞朝野咸欽重之如特疏請賜前明殉難御史趙譔表章大節類如此

管灝字若梁新興人康熙甲戌進士翰林院檢討歷官吏科給



事中志稱其好學博文充養縝密歸里後捐修 黌宮纂成州

志

段如蕙字薰斯號丙齋河陽人康熙間貢生授安甯訓導屢以卓異歷陞長蘆鹽法道清釐虧帑數十萬金調河東運使旋擢安徽按察使特加布政使銜辦理營田尋陞右通政後出管天津河道以勞瘁卒官

蘇霖滋字湛若趙州人康熙丙子舉人歷官兩淮鹽運使與海門侍御爲從昆弟丙辰海門典試貴州公以遵義守作內監試天才素警敏兼精吏治極爲鄂文端公所知兩淮提引案發公

前後皆被罪惟公獨無染其清節可見一班云

段如荀字爽斯號珍谿河陽人紳子如蕙胞弟歲貢性孝謹尙廉介工詩文浸淫古籍段氏自正淳求經籍於中國代有聞人蓋詩書之澤深矣

楊周冕字冠山號遜翁居士老號鐵臂翁趙州人乾隆丙辰舉人官資陽縣知縣○遜翁天才敏捷博覽善談出口成章相傳其入簾分校時同官某偶云楊君言大而夸可面試吾輩一聯若不能屬對真拜倒矣公出一聯云十房分五經經經經十目所視衆嘿然良久命自對之公應聲曰八家同一井井井井八



口之家其聰穎類如此

師問忠字恕先亦字裕亭趙州人乾隆辛酉亞元厯官長蘆石  
碑場鹽大使○公少孤業耕讀讀輒易忘愈勤憤懣憤懣如故因  
泣泣已復讀讀罷又泣如是者以爲常計無復之疏告神直陳  
苦况忽夜夢一人捉刀啓胸取其心洗之而去遂驚醒由是慧  
悟鄉薦後先以丙戌大挑借補晉甯分訓凡經其指授者皆掇  
高科躋仕途及司鹺務恤商惠竈善政良多其最著則抗樂亭  
令某指場竈地作官荒招奸民認墾致上游稱強項場官地卒  
歸竈其曰天下事多被圓融壞卻蓋會議時語也

滇詩略  
小傳

石峰字天柱號丹崖趙州人丁卯科舉人四川納谿縣知縣○  
公好時藝其滋務堂稿久已付梓在川日以實心行實政疊經  
各大憲褒獎三灘拯溺乃其一端也

蘇霖渤字海門號觀厓趙州人雍正癸卯進士由縣令卓異行  
取洊厯御史立朝有蹇諤風視學山西甄拔寒畯且多知名士  
告養歸惟敦本睦族是務兩臺聘主五華書院以經學訓士砥  
節礪行痛絕請託奔競之習錢南園侍御方從游公一見其文  
卽許以必爲滇南生色知人之明良足多焉第霖潤丁巳進士  
由檢討出知衡水縣亦有循聲卒于任



夏詔新字紫泥號樂村姚州人雍正巳酉選拔歷官四川瀘州直隸州性孝友在蜀幾三十年所至以廉能著致仕歸財產與兄弟共之優游林下十餘年其倡修 黌宮捐貲獨多躬親庀材程工復遣子至大理購運蒼石爲廟中壯觀瞻祭器香燈一時畢備捐置鄉會兩試卷金田嗣紳士議買裁缺府署改建書院金無所出公獨力任之且以家藏十三經廿一史呈送書院收貯嘉惠後學三姚無賢愚貴賤莫不佩其德行云

劉慥字君顧號介亭永北人乾隆丁巳進士由翰林院編修歷官山西布政使著有和鳴集志載其在詞垣 奏減永北金課

疏則居官可知矣

周於智字明遠號愚溪嶧峨人乾隆壬戌進士歷官河南開歸道公在豫十四年隄防屹然民無水患後謝病歸儀封大工興奉 特旨馳驛赴工仍補原官旋病卒事 聞 上爲憫惜加賞按察使銜 勅驛護輓歸里公言以晰理事取當機不爲膠擾亦不務鎮靜雖盛怒未嘗有疾言倨色深謹密粟人皆畏而知敬所至有惠政如攝荏平饑民遮使者道求食公至諭甫出民謂小周老爺許我食必得食卽散其見信於民若此又如在懷慶雪新野李矩媧冤獄及治河諸要詳載周大司馬海山所

真繫

六之一

人物

完



爲傳

龔渤字遂可號學耕一號閭仙趙州人乾隆丙辰進士官侍講學士著有依雲樓詩文集使蜀吟使晉紀程塞上吟梅花百詠等集公甫逾強仕卽請養歸子錫瑞已酉拔貢貢詩名卒年四十九與公同

邵其德字學明號質堂保山人乾隆己未進士由翰林院庶吉士改山西絳州知州調任保德謝病歸性純孝事嚴親能曲盡子道友于最篤處族黨謙恭和易安貧守志誦讀不輟書法專摹右軍三迤人士得其片紙隻字珍若拱璧孫端人學使目爲

國器曾命撰瀾滄江橋武侯祠聯援筆書云山色藹鬚眉三代來公獨抱大儒氣象孫遽應曰江光凝几席萬里外我猶瞻名士風流至今猶傳誦人口後肄業五華書院受知尹文端公與李鶴峰中丞齊名館選甫兩年以文端公薦卽膺繁劇爲政慈惠旣而因劾墨吏失上官意調簡歸里後兩袖清風與朋儕詩酒往還自若不數年卒

錢士雲字沛先號龍池昆明人乾隆乙丑進士歷官兵部左侍郎公以制藝名一時屢膺分校得士多老宿陳中丞步瀛其一也孫名學彬庚戌館選



李因培字其材號鶴峯晉甯人乾隆乙丑進士幼有神童之目其爲諸生時肄業五華書院深受知於望山相國及文和相國浦二田山長釋褐後選庶常授編修未幾 廷試翰詹 欽取一等晉學士旋躋卿班膺 恩命典浙試視學山東浙江江蘇等省所拔皆知名士士林悅服輿論翕然歷任湖北湖南福建巡撫降四川按察使爲人所構逮問 賜自盡 純廟恆惋惜之子翊丁丑館選官編修翊癸卯解元己未館選授編修改御史姪舟廣西布政使方伯 曰公視之如其子然

王立憲字法之康熙丙子舉人任廣甯令革總理苛派免三供役值水患鄰屬告饑大府檄立憲司賑因條陳救災策及興革事宜皆中窾要廣邑故掘地爲窖貯官穀派民守之壞則責以償立憲亟請建倉格於例不允乃以諸寺之不載祀典者改貯倉穀民累以除又嘗雪殺人冤獄踰日正犯自首曰不忍令賢君爲我受劾也

世廟在潛邸奉使祭告

福陵道由廣甯特書百里甘棠四字 賜之

劉彪字玉庵建水人天性孝友丁亥流寇破臨安其弟被掠彪以身易弟歸養母流離黔蜀者數年及 王師平蜀彪率衆投



誠以功授分巡遵義道修學禮士安民靖寇康熙戊申會裁缺  
家居樂善好施吳逆叛欲餌以官堅卻之

袁銑字鍾南保山人廩生性方正窮年力學屢試鄉闈不售家  
居教授來學者館莫能容生徒賴以成立者百餘人著有四書  
旨綮十卷叅補綱鑑未終而卒方主政逢聖誌墓稱為孝友天  
篤沉酣經史樸貌坦衷雅俗推重學者以擬安定先生

李敬躋字翼茲號載庵馬龍人乾隆丁丑進士任將樂縣知縣  
卒於官詳周立崖少廷尉所為傳

周樽字壽南號眉亭昆明人乾隆己卯舉人歷官安徽布政使

公事繼母至孝待諸昆弟友愛由知縣洊歷方面三護撫篆率  
皆推誠待人詳慎刑獄遇事有不可者雖上官必爭屬吏有過  
卽面斥聲色俱厲其人能改卽止踰時渾忘又力持廉隅故人  
恆德之見人困苦推解不吝所至必培養士氣如守鎮江修寶  
晉書院籌備膏火秉臬甘肅增刻皋蘭肄業課編在皖復刻十  
一經旁訓後學賴之

王綽號雪廬晉甯人乾隆己卯舉人官合水縣知縣工書善篆  
隸尤精鐫刻印章有雪廬紅書爲人和平嫺雅在合水多善政  
以內艱歸復赴補客死人多惜之



李觀字文瀾號仙舟又號大可山人昆明人乾隆庚辰武舉山人早年負文譽戰不捷棄就武仕途偃蹇因操白圭業家益落乃賣藥昆明城南問疾不爲勞愈疾不計貲好吟咏子聖城亦中武科嘗從征緬棄官隱於畫錢南園檀默齋皆賞之

萬鍾傑字汝興號荔村昆明人乾隆乙酉選拔歷官福建按察使加布政使銜負性倜儻天資警敏幼肄業五華書院與錢南園齊名自服官湖北公安及沔陞監司所至有聲屢辦軍需悉能綜理得宜臺灣林爽文倡亂由南昌太守特簡興泉永道大兵絡繹渡洋督辦糧餉轉輸後大兵已撤餘黨未靖當路重

其才 奏調臺灣道撫綏緝捕事事不遺餘力奉 旨加按察使銜凡獲巨盜會同總兵審辦得實具 奏後卽行正法著爲令旋晉閩臬仍留臺灣繼加布政使銜以母艱歸里病卒未竟其用

唐文灼字見遠號葯洲晉甯人乾隆丙戌進士歷官孟津縣知縣葯洲在五華有文名從學詩者甚多詩才清雋曾以秋海棠開微雨後水芙蓉褪晚風前二句得名凡所著述已集成稿其身後被族子某持去

彭翥字少鵬號南池蒙化人乾隆庚寅舉人歷官廣東同知曾



擒海洋巨盜著有海天吟詩集其生平學行詳載錢南園所爲墓誌

錢澧字東注亦字約甫昆明縣人乾隆辛卯進士歷官通政司副使湖南學政降補主事奉 特恩晉用員外旋擢湖廣道御史 命在軍機處行走旋卒公性勁直遇事無所遷忌其風節至今凜凜云

楊履寬字裕如號栗亭太和人乾隆甲午舉人博學強記著作等身曾與彭南池接羅前輩遺詩丐胡羨門選訂惜未經授梓稿亦散失

施炯字葆光號竹田昆明人布衣工詩其七言酷摹西崑嘗有句云天街夜月重樓冷深巷秋風落葉多驚秋氣短將軍樹愛月情多姊妹花風雲高閣低河漢燈火秋窗見古今其題高峽云層層露檻都臨水葉葉風帆直到門皆麗而有骨

傅應台字晉三號符菴昆明人乾隆辛卯舉人選授永善縣教諭未到任卒符菴自目疾後不上春官少與南園侍御同爲詩互相鼓勵南園嘗稱之

李國賓字用賓號觀亭昆明人由行伍歷官騰越鎮中軍守備出師四川達州奮勇殺賊陣亡奉



旨賜葬祭 恩卹世襲恩騎尉第國章丁酉舉人有俊才官湖南卒于桑植縣任

趙興宗嶧峨縣人官潮州鎮總兵入授鑾儀衛正使就居委巷襍被蕭然以子應門年已逾七十步履甚健暇則攜一僮逍遙琳宮梵宇或野水叢蘆之際間學爲小詩頗能道性情雖與之久處者亦忘其出自行伍也

馬良棟趙州人丙戌進士挑侍衛授四川都司調征金川隨溫將軍殉木果之難照例優恤廕一子爲千總

蔡成貴富民縣人由行伍于烏蒙茶山間累積戰功官大理提督

公善養士卒與同甘苦而性儉素張東閣允隨制滇公入見冠敝冠張公謂之曰老將軍此冠該換了公曰這帽兒曾經三次面聖 主子也看得過求大人將就罷張爲之默然

劉君輔會澤縣人由行伍歷官湖廣提督石三保之變公先期得耗卽帶兵星赴鎮尊比至而鎮帥已于先一日失機公極力拒守辰州得以無恐花園亂圍之戰橫矛衝殺苗衆甚畏之終以失察降一級遂請病歸能作徑尺大字亦能詩子瑞由侍衛現任興義鎮總兵

李根長賓川州人由藍翎侍衛授安慶江防營守備白蓮教之



亂調赴河南勦賊恃勇深入賊已披靡回視主將受圍回騎救之馬蹶爲所戕事聞 詔護喪歸蔭一子雲騎尉世襲

金元純趙州人廩生爲文發抒性靈試輒冠軍學使謝于道稱之以爲全瀆冠冕聘衡文時稱得士應貢而卒子涵雍正甲辰科舉人隱居教授孫德賓乾隆辛酉科舉人承祖父之後亦以訓課爲業力敦孝友工詩以赴選改教歸卒于新鄭縣知與不知咸爲惋惜焉

熊維祥趙州人歲貢生好學攻詩文時康熙初年州中尙少發科者公與饒公有廉教授生徒皆嚴正不苟饒公子源歲貢生

濬康熙辛卯科舉人公子煜康熙庚子科副榜煌乾隆壬戌科進士孫子充乾隆壬申 恩科進士子青乾隆甲子科解元子

衡乾隆甲午科舉人曾孫祖成子青子嘉慶戊午科舉人

王建中劍川州人乾隆辛酉拔貢由教習出任知縣歷官運同他處運同多與運使同駐惟兩廣分駐潮州其權與運使埒而利亦如之以提銀解司庫忤制帥遂休致歸卒年八十六公之爲令牧于直隸也與周大司馬元理劉大司馬義梁大司空肯堂皆同爲方慤敏公觀承所賞識大成任內辦賑按戶計口毫無侵隱查賑者初齟之嗣經方公密訪得實立將各員調回晉



省日方公持所着帽加之公首以榮之至審理積案每多平反人皆服其廉幹云

時亮工趙州人康熙己卯科舉人性豪爽足跡幾遍宇內著快游集三十二卷歸里後與詩僧醉夢相酬唱未仕卒子遠乾隆丁巳恩科進士餘雍正癸丑科進士

龔仁趙州人歲貢生公兩遭變亂隱居誦讀人稱閉戶先生子允塞庠生安貧勵節有父風孫敬乾隆辛酉科舉人亮雍正壬子科五經解元曾孫錫鼎乾隆戊辰科進士

李宣趙州人蒙化籍歲貢生公少年負氣任俠中遭蹉跌折節

向學能詩能畫任姚安學訓導八十餘始卒第湘康熙庚子舉人嗣子枝挺歲貢生亦有文譽子枝郁庠生三十後卽攜家遠游戎幕近日始歸與蘇硯北谷大心兩明經同爲彌城耆碩云李塏太和縣人乾隆丁酉拔貢性純孝居父母喪皆三年不入內人咸稱之子鍾璧嘉慶壬戌會魁由庶常改知從化縣鍾景嘉慶辛酉進士戶部山東司應補主事

尹均蒙自縣人乾隆甲戌進士由庶常改中書陸典籍公清修厚德爲鄉里所矜式者三十餘年子壯圖丙戌進士由庶常官吏部歷陞閣學以參各省虧缺被議純廟特賞給事中銜回



籍養母胞姪英圖乾隆丁未進士由檢討官恩施縣白蓮教之役團練鄉勇歷著戰功賊呼爲尹家兵咸避之現任施南府知府 賞花翎孫珮榮嘉慶乙丑進士分發吏部姪孫珮紳嘉慶壬戌進士卽用知縣公承祖父之基綿子孫之澤官京朝者凡五代滇中世族實推尹氏爲首云

陳詔楚雄縣人乾隆庚午舉人由縣令歷任青州衛輝二府所至有循卓聲官知府時整躬率屬人以爲不愧真太守云

陳文燦楚雄縣人乾隆癸酉科舉人官騰越州訓導緬甸之役以軍功保舉授穎上縣知縣未三年遽請養歸公器宇清深文筆雋朗高羽豐大令錢南園侍御俱交口贊之王少司寇述菴亦曾錄其詩入湖海詩傳

楊永斌昆明縣人康熙己卯科舉人歷官廣東巡撫入爲吏部侍郎公器量宏偉講求經濟拔莊參知有恭于諸生後于讀卷日置之前十本遂得殿撰孫澐以公蔭知蒲州府和其喪之案獨無醜送 純皇帝嘉之陞至浙臬卒于任

陳時夏昆明縣人康熙丙戌科進士官江蘇巡撫 世宗時有田陳李鄂之稱謂田公文鏡李公衛鄂公爾泰及公也

趙遽晉甯州人嘉慶壬戌科進士由庶常改授卽用知縣往山



東訪張溟洲太守卒于濟南郡齋負性清峻于詩文詞賦皆銳意獨往重友誼收族屬可以三旬九食亦可以一揮百金其妻弟徐君昭受才尤雋上初願園中丞極賞之未三十而卒晉甯又有段選貢時恒爲邵二雲學士高足詩文皆佳甫三十而卒蘭摧玉折失此國寶每披遺跡不覺老淚橫流云

袁人龍趙州人乾隆丙辰戊午連中副車辛酉登正薦官永昌府教授胸懷坦易凡事皆任天而動絕無機心三次重遇鹿鳴卒時年已百歲子維清乾隆庚寅科舉人豐潤縣知縣維任歲貢生

譚堯龍永北廳人由副指揮出判台州補永州升福州府同知公故舊家喜結納樂善好施而尤精于吏事其署永州守及攝醴陵令豪強屏迹士民感戴既升閩遠以失明歸人皆以宦而富公獨以宦而貧然聞其里居時猶修宗祠立家塾孜孜不倦云

谷際岐趙州人乾隆乙未科進士由檢討改御史轉給事中陝省軍務滇省鹽務所上封事俱已如議施行復以參奏蔡八降補員外郎現升郎中性素清嚴工爲詩間作松鶴圖孤翔高步龍甲虬枝蓋若自爲寫照焉



楊昭安甯州人乾隆己酉 恩科進士由庶常改戶部升御史  
晉給事中公以廣文入詞館既官農曹勤于其職保送道府具  
呈辭免歲必讀五經一週出署後孤燈朗誦至丙夜始止寄居  
會館敝車羸馬其清況無異苜蓿齋頭也

嚴振宜良縣人嘉慶丙辰科進士以庶常改吏部荐升給事中  
上章奏于吏治民生均有關係咸奉 溫旨報  
可南園西阿之後差為不愧現巡濟甯漕務

劉玉湛蒙化廳人嘉慶丙辰進士主政刑曹攜一僮居署中熟  
悉案件同官咸倚之詩亦清拔不作紗帽頭語

劉大紳甯州人乾隆壬辰科進士令山東之新城曹縣文登朝  
城等處升武定府同知公廉儉勤明雖非所治無不敬之如父  
愛之如母其在文登以前任諱盜牽連坐臺案甫定有相向泣  
者有詣廟禱者有謀為納贖者有相伴出口者入關後寓東凡  
半載諸士民送至黃河始別去今 上親政特 詔來京仍發  
山東補朝城朝城民親之逾于昔既題升引 見以母及祖母  
年高遂請養歸有人于黔道遇之一騎一馱僕二人草履相隨  
覺清獻公琴鶴猶為長物曾寄予句云幾時聯轡返昆明迄今  
三載而予尚戀棧念之愈覺赧然



張鵬昇晉甯州人乾隆乙卯科進士官秋部歷升郎中篤交游  
重然諾尤熟練刑名充律例館纂修總辦秋審三次引見俱  
溫諭嘉獎現守山東濟南府太恭人迎養在署小有拂意必跪  
之中庭怒解始敢起

李如珩鶴慶州人乾隆壬午科舉人歷官濟甯直隸州知州性  
清約能習勞苦敝衣糲食怡如也善決疑獄懇欵周詳雖棘手  
之案無不得其情者荆中丞道乾秉臬山東極相倚重今以目  
疾告歸

莊蒞民鶴慶州人乾隆辛卯科舉人辛丑挑發河南補澠池調

南陽歷升開封府知府素負敏練才更事既多愈覺明幹其守  
懷慶日黃門查映山師謂予曰子鄉莊簡菴有體有用誠爲今  
日之賢太守師不輕譽人所言如此可以知其政矣

郭晉河陽縣人乾隆丁酉科舉人丁未挑發山西現守太原府  
藏精明于渾厚行惻怛以慈祥不立赫赫之威而民畏不作煦  
煦之惠而民懷千頃陂之澤蓋引而愈長焉

楊楷建水縣人由縣丞起家官惠州府知府在山東日以捕盜  
著稱今協揆長公麟極賞鑑之素簡樸而能急朋友之事雖千  
金不惜與粵人鄭西亭爲貧賤交互相成就人以爲管鮑復見云



錢允濟昆明縣人負才清拔由圖書館議敘授呂堰司巡檢時呂堰方爲賊破至則撫瘡痍賑饑寒練鄉勇立義學皆州縣所不敢爲者獨毅然爲之八里之民恃同保障光化縣有積案數控督撫多年不結兩造皆詣府請曰必得委呂堰司方得明白雜職故無勘審例不得已從之平反以上讞乃定後于境內查獲教首赴郡密稟府縣置不理卽請疾居郡城未二十日妖燄四出當事者忌其言之中益思有以困之逕策馬歸夫其言果用不過十捕快了之矣何至勞師糜餉哉曲突徙薪宜其與焦頭爛額者異也

袁文典保山縣人乾隆丙子科舉人官廣西州學正弟文揆丁酉科拔貢議敘縣丞分發甘肅以太孺人春秋高同時請養歸按集滇南詩文略八十餘卷授刊流布真州程雪門見之曰舉數百年之零珠碎璧合而成寶使古今人一片苦心不致埋沒凡吾輩之少知筆墨者皆宜金鑄而絲繡之

李裕達河陽縣人武生善太素脈診病則其人之窮通壽夭邪正無不周知所用藥皆常劑或雜以食物服之立效他人襲之則不然傳忠勇公征緬回省染瘴甚劇進蘿蔔汁而愈兼習導養術竟日默坐顏如渥丹臨卒將其書盡焚之吾滇多奇人以



予所見公亦其一也

元燕帖木妻脫脫懷蒙古人夫任副樞密梁王命其率兵禦明師敗於白石江遁歸氏閉門不納曰爾受國厚恩兵敗不死何以見王乃鳩其二男一女命侍妾曰我死舉火焚屋勿令辱我亦飲鴆而死

本朝祿永明妾祿氏東川府人子應龍應鳳先後襲土司皆爲安氏謀殺衆議承襲不決氏遂繳印請改設流官康熙三十七年奉 旨給贍養終身雍正七年具題贈恭人表其墓

隴慶侯母祿氏烏蒙土府祿天倫次女雍正五年慶侯襲鎮雄

土府以匿奸革職改土設流夷衆欲搆亂祿氏諭之曰我祖宗千百年以忠誠著績今日之事宜安氣運不可妄動始解散及八年烏蒙賊叛煽誘鎮雄諸夷祿氏復飛馳各寨申諭大義情詞激切至欲自殺衆咸感悟氏身率屬夷環守州署協濟軍糧城賴以全總督鄂爾泰建坊旌之曰閨壺忠臣題封安人給官田二十畝以奉祀事

楊知敏妻雷氏雲南縣人年二十三夫病劇氏刲股救之不愈遂囑以養親教子而卒未幾子殤姑憐其青年欲嫁之氏舉剪自截其耳姑驚慟乃令撫姪爲嗣苦節終身先是趙州吳振魯



孝廉方失偶其兄僥倖皆與吳善面以氏爲言吳喜而聘之氏乃割耳以拒吳謂女既可節男亦可義遂不娶終其身竟至之嗣君子謂雷則得矣吳或過焉

明奉祿妻猛氏順甯人土司猛雍女夫任大侯土官嘉靖間父惑於後妻欲使改嫁土舍奉誥會氏歸甯誥以木邦兵攻大侯掠其夫氏素衣獨居一樓父諷其服飾之陋女曰夫存亡未可知欲與俱死何心改服乎父約奉誥將逼之女佩刀防數月父乃餌以毒氏恨不見夫留緬書一紙詞氣甚悲巡撫王啟遣官祭奠且爲之贊曰牝雞悍兒女怨猛虎亂夫家散嗟嗟何日見

夫面君不見祭家姬雍家先血濺又不見劉家母王家翻受禪吁嗟女兮豈不願效雙飛燕破鏡難成片一紙緬書流血撰黃泉路上好相見

明木青妻羅氏蘭州人夫任土知府氏嫁十年夫臥病竭力調治不起方閔凶時適有蕃寇慨然曰彼以我新遭喪子在襁褓無能爲耳乃擐甲躍馬先士卒而出一鼓克敵邊鄙以甯事姑盡孝教子以忠勤稱誥封恭人年五十一終參藩謝肇淛紀其事

明阿曩景東土府陶瓚祖母正統間麓川叛寇壓境阿曩諭瓚



率衆禦之斬馘無算賊悉遁總兵上其績封淑人褒賜甚厚  
夜梅順甯人楚婦也萬厯間本邦侵境兵勢甚勁郡男子與之  
敵者皆北婦手持尺劍敗其黨百十餘騎自是本邦不敢犯  
元蓮峯禪師名宗照劍川段氏子祝髮受具遍歷諸山了達祖  
乘至正間遊晉甯東山謂似曹溪遂建盤龍寺居焉一日沐浴  
書偈云三界三途何佛何祖不破便有能破便無擲筆而逝門  
人塔全身於寺師以八月十七日生至今中秋滇人禮之

無照曲靖普魯吉人父仕元生照於安甯離襁褓即瞑目跌坐  
髫年依本郡虎邱寺雲巖難髮後詣天目謁中峯本明言下契

悟嗣臨濟二十世還曲靖構菴棲息菴有龍湫墮葉觸波必遭  
風雨照安禪制之龍徙去隨即其地創正法寺尋入昆明梁王  
建佛嚴寺於太華山以居之示寂後得舍利纍纍門人建塔寺  
左

照本夙有慧根遍參名宿嘗詣天目謁中峯將至峯語其徒曰  
當有客自雲南來汝持鏡迎之本至見鏡曰師教我矣徒問故  
曰吾名照本師令我照見本來耳徒白峯峯奇之留宿一年盡  
得法要歸日贈以歌序嘗語趙孟頫謂雲南三僧皆堪負荷照  
本其一也



圓護大理人號念菴初號無念遊大方見中峯和尚中峯以羅什捧鉢永嘉無念無生之旨叩之答曰我之無念異乎所聞什師過在絕念不起永嘉過在任念自起二皆有偏念也我之無念則心體靈湛寂然不動如鏡鑒象如燈顯物未嘗毫髮隱中峯深肯之爲作無念字說夢神授書法凡書字右腕洞如水晶因號爲玉腕禪師崇聖寺佛都二大字并刻石證道歌皆其手書

明洪如號無住定遠人鄧氏子初習靜白雲山聞鉢聲有悟崇禎間參天童和尚愈徹性源開堂水目寺著有蒼山集苦海慈

### 航集

本朝學蘊號知空洱海人九歲辭父母入雞足寂光寺薙髮戒行精嚴博極羣書慨然曰文字之學不能洞達性宗乃往參無住和尚無住示以窺要久之苦無入處後至寶靈軒禮萬佛名經忽大悟覺身脫落內外圓明如一輪皎月自謂快爽難以喻人復叩證無住無住深許之著有語錄草堂集年八十無疾登座示衆而終

湛福字介菴昆明人幼從蘭谷禪師披剃後蘭谷奉詔入京介菴侍住內城之傳經院六十年不踰門四十年不下堦工鐫



刻善篆隸正書學鍾太傅常以杭扇畫泥金梅花自集唐句題  
其上人爭購之與遼東三老為方外友望溪老人碑銘文字凡  
入石者多出其手並作序以贈卒年九十有六  
非相彌渡孫氏子披荆水目山得法于無住著有語錄十卷與  
無住知空為水目三祖

附錄詞館

康熙乙丑科許賀來石屏州人官侍講 戊辰科王翰宜良縣籍為楚雄徐黃門達乾  
所劾發回 甲戌科管灝新興州人官吏 丁丑科趙宸河陽縣人  
襄城縣 少宰士麟 庚辰科董玘通海縣人 癸未科謝履忠昆明縣人  
子庶古士 官檢討

馬汝為元江府人 丙戌科趙士英昆明縣人 王思訓昆明縣人  
計督學 已丑科謝履厚昆明縣人 周彬昆明縣人 癸巳科張漢石屏人  
知壬辰科張旭呈貢縣人 乙未科薩綸錫楚雄縣人 趙城  
由檢討官知府乾隆丙辰考 乙未科薩綸錫楚雄縣人 趙城  
取鴻博復入詞館陞御史 趙州人官饒九道 辛丑科何朗石屏人  
通海縣人 戊戌科李根雲內陞鴻臚寺卿 丁未科繆煥昆明縣人  
州人官 雍正癸卯科楊臚賜石屏州人 丁未科繆煥昆明縣人  
檢討 同 庚戌科許希孔昆明縣人 癸丑科傅為訖建水縣人  
乾隆丙辰科熊郢選昆明縣人 龔渤趙州人 丁巳科劉  
慥永北廳人 蘇霖潤趙州人 陳世烈建水縣人 蔣祖  
官布政使 官知縣 學士兼禮部侍郎



培鶴慶州人已未科邵其德保山縣人壬戌科田沆建水縣人

士乙丑科李因培晉甯州人督學山東錢士雲昆明縣人兵部左侍郎

戊辰科段廷機昆明縣人辛未科周於禮大理寺少卿王申

科馬景文雲龍州人趙瑗昆明縣人甲戌科尹均蒙自縣人

丁丑科李翊晉甯州人施培應昆明縣人庚辰科劉經傳

石屏州人辛巳科李松齡甯州人楊中選尋甸州人由庶

未科蔣鳴鹿鶴慶州人丙戌科尹壯圖蒙自縣人歷官內

郎現賞給辛卯科金澧昆明縣人歷官通副督學湖

事中銜均子乙未科谷際歧趙州人現戊戌科薛際清

科胡敏甯州人官乙未科谷際歧趙州人現戊戌科薛際清

館歸本班庚子科楊嘉材昆明縣人辛丑科戴斯琯太和

官給甲辰科倪思淳建水縣人由御丁未科尹英圖蒙自縣

事中改知縣現已酉科楊昭安甯州人現庚戌科錢學彬昆明

任施南府乙卯科董健通海縣人官嘉慶丙辰科嚴煥

現任員外郎督學貴州土雲孫已未科李翊晉甯州人官楊汝達石屏

宜良縣人現由給事辛酉科倪琇昆明縣人吳毓寶昆明

改知周錫章楚雄縣人王戌科李鍾璧太和縣人由庶

現知武樊如杞楚雄縣人散王戌科李鍾璧太和縣人由庶

清縣趙蘧晉甯州人由庶吉李蟠根太和縣人由庶吉乙丑科

倪思蓮建水縣人平志昆明縣人嚴煥宜良縣人煥弟



附錄省元

順治補行庚子科倪垣南安州人是科有徐達乾楚雄縣人趙

士麟河陽縣人康熙癸卯科柳志沉宜良縣人是科有闕禎兆通海

縣徐崇岳保山人李崇階浪穹縣人皆貢文名丙午科杜道中鄧州人

授教已酉科李上品河陽縣人是科有張端亮蒙化廳人能詩畫王

子科李春葵昆明縣人補行辛酉科趙節建水縣人是科有俞卿涼

州人知段標麟南甯縣人俱入祀名宦許賀來石屏州人錢

熙正武定州人甲子科呂從姬石屏州人是科有李發甲陽河

縣人官湖歐陽方曜趙州人官丁卯科陳瓚昆明縣人是科

有盧炳石屏州人庚午科尹秦蒙自縣人太癸酉科譚璜建

縣人授是科有管灝新興州人段曦安甯州人丙子科謝履忠昆明

諭德是科有蘇霖泓趙州人官兩段昕安甯州人官王立

憲建水縣人兩省俱祀名宦董玘通海縣人已卯科鄭

榮趙州人是科有何其偉石屏州人王思訓昆明縣人皆貢

文名劉鑑楚雄縣人懷遠縣知楊永斌昆明縣人陳時夏昆明

縣人官江王午科周於德保山縣人是科有馬汝為元江州人

周彬昆明縣人乙酉科陳廷夏呈貢縣人是科有張以仁趙州人塗

暉石屏州人趙元祚武定州人俱貢文名趙士英昆明縣人戊子



科田國珍

水縣人知縣

是科有趙城

通海縣人官布政使

張漢

石屏州人由鴻博官御史

孫鵬

昆明縣人泗水縣知縣

俱貢文名辛卯科張旭

呈貢縣人官檢討

癸巳科

孫士鶴

石屏州人州同

甲午科薩綸錫

楚雄縣人官檢討

是科有黃鶴鳴

縣人官

丁酉科夏冕

昆明縣人官教授

是科有李根雲

趙州人官鴻臚寺卿王

綱振

昆明縣人御史

庚子科劉以禮

蒙縣人雍正癸卯科許希孔

昆明縣人

工部

是科有陳沆

石屏州人官知府

李盛唐

馬龍州人官松茂道

羅鳳彩

侍郎

是科有陳沆

石屏州人官知府

李盛唐

馬龍州人官松茂道

羅鳳彩

宗人府

是科有陳沆

石屏州人官知府

李盛唐

馬龍州人官松茂道

羅鳳彩

督學

是科有陳沆

石屏州人官知府

李盛唐

馬龍州人官松茂道

羅鳳彩

丙午科

柏守仁

曾義縣人

是科有傅為訖

建水縣人官副都御史

已酉科楊

名揚

石屏州人進士

是科有賽璵

石屏州人年百歲重宴鹿鳴

王子科龔亮

是科有陳世烈

建水縣人內閣學士兼禮部侍郎

龔渤

趙州人官侍講學士

蘇霖潤

人由庶常

周於智

曾義縣人官開歸道加按察使銜

乙卯科彭侶

趙州人進士

知衡水縣

周於智

曾義縣人官開歸道加按察使銜

乙卯科彭侶

趙州人進士

科有沈萃

通海縣人重宴鹿鳴

乾隆丙辰科劉靜軒

河西縣人

是科有孫似

茗

呈貢縣人重宴鹿鳴

戊午科徐聯元

河陽縣人鹽大使

是科有李因培

官巡

張鳳書

建水縣人官郎中

辛酉科周鵬渭

趙州人甘肅知縣

是科有徐

碩士

曾義縣人官郎中

袁人龍

趙州人由丙辰戊午副榜

甲子科

熊於青

趙州人

是科有錢士雲

昆明縣人兵部侍郎

楊文揚

甯州人官郎中

科謝宣

楚雄縣人

是科有周於禮

曾義縣人大理寺少卿

馬景文

官御

郭聯奎

河陽縣人知府

庚午科李宰

趙州人善縣教諭

是科有倪高甲

史

郭聯奎

河陽縣人知府

庚午科李宰

趙州人善縣教諭

是科有倪高甲

六之一

人物

是科有倪高甲

趙州人善縣教諭

是科有倪高甲



建水縣人 陳詔 楚雄縣人知府 王申科袁文佑 保山人 是科有趙瑗 昆陽人

官糧道 張依仁 河西縣人知府 癸酉科楊仲選 尋甸州人由庶 是

開歸道 科有李敬躋 馬龍州人進士 李鳳彩 建水縣人通政 尹均 蒙

縣人由庶 劉經傳 石屏州人御史 丙子科俞汝夔 建水縣人 是科有施培

應 昆明縣人 李翊 晉甯州人 錢汝霖 昆明縣人知府 陳國勅 保山縣人

已卯科李松齡 甯州人 是科有周樽 昆明縣人知府 王綽 晉甯州人

文泰運 昆明縣人學正 俱貢文名庚辰科李根玉 鶴慶州人知縣 壬午科張

履觀 建水縣人知縣 是科有尹壯圖 蒙自縣人 楊淮 賓川州人 蔣鳴

鹿 鶴慶州人 乙酉科如聖 石屏州人教諭 是科有唐文灼 晉甯州人

津縣負 戊子科竇晟 羅平州人知縣 是科有錢灃 昆明縣人御史 庚寅科李

對 通海縣人 是科有劉大紳 甯州人進士山東武 彭翥 蒙化廳人

捕獲盜首由香山楊昭 安甯州人現 辛卯科瞿鞏祚 阿迷州人

是科有胡敏 甯州人由庶 莊蒞民 鶴慶州人知府 甲午科谷際岐 趙州人

人現任刑部郎中 是科有任澍南 石屏州人知府 段琦 河陽縣人 姚觀光 石屏

州人楊履寬 太和縣人 俱貢文名丁酉科楊汝亮 太和縣人 是科有郭晉

河陽縣人現任 楊仲增 河陽縣人辛丑 己亥科尹瑞雁 蒙自縣人

是科有尹英圖 蒙自縣人 庚子科束本春 新興州人 是科

有戴斯琯 太和縣人 癸卯科李翊 晉甯州人 是科有倪思滄



建水縣人由御史董健通海縣人檢討丙午科嚴烺宜良縣人現是

授揚州府高甲子晉甯州人乙卯進士戊申科楊國棠太和縣人現署定遠

縣知已酉科張藻甯州人是科有王藩浪穹縣人己未進士錢

學彬昆明縣人北榜壬子科梅雨陸涼州人甲寅科那文鳳昆明

縣乙卯科趙遠晉甯州人由縣知縣是科有劉玉湛蒙化廳人丙辰

主嘉慶戊午科吳聯珠元江州人庚申科蘇鑒晉甯州人現充教習辛酉科

張維桂鶴慶州人甲子科丁杰保山縣人李維新呈貢縣拔貢乙卯

師範曰滇之人物不僅如是而所錄止是者明以前十得

六七 國朝則必具之真聞之確始敢載入省元詞館為

士林榮遇其官至太守即不太守而著循聲負文名者亦

紀之若欲觀其全省志郡志邑志燦然俱在尚無以挂漏

見誚也○高本陽劍川州人由武進士官守備死烏蒙之

戰胡大勇太和縣人官參將金川初肆惡時亦以戰死俱

蒙 賜恤胡蔭一子為守備○心璧昆明人佳持廬山宋

牧仲撫江西時與往還人以擬東坡佛印亦能詩見廬山

志○雍正甲辰科有楊如松保山縣人聯捷進士官御史乾隆癸酉科

有謝清問河陽縣人丁丑進士由縣令歷官御史乾隆庚

子科有張辰照蒙化人端亮沙琛邱任失察逆案議發軍



台前署懷甯建德諸士民代為贖罪初中朱奕簪石屏人  
 丞據情入奏奉旨免其交銀回籍養親  
 現任四川知縣祖煥雍正甲辰進士大嘉慶甲子科有胡  
 名府知府父士琪乾隆庚寅科舉人  
 之銑太和縣人乙丑進士祖聖功乾隆己未進士父紹廷  
 弟之銓乾隆乾隆甲寅科有羅蔭恩石屏州人現任江川  
 甲寅舉人  
 癸卯進士宗人府府丞父元琦乾隆戊午科舉人隴西縣  
 知縣兄慶恩壬午科舉人五臺縣知縣湛恩辛卯科舉人  
 黔陽縣知縣恩恩戊子科舉人安甯州  
 學正弟觀恩歲貢生保舉孝廉方正  
 自淵保山縣人辛未會鄧又讚太和縣籍趙州人戊嘉慶  
 試第三名官主事  
 庚申科有李鍾璧太和縣人壬戌會試康熙癸卯科有車  
 文龍昆明縣人庚戌乾隆庚辰科有張文綱安甯州人知

曩聞王元美皇明盛事迹心竊欣羨擬取 本朝各家之

記錄照例續編贊揚懿美乃一困於簿書之擾一憚于按

輯之繁因循至今迄未克遂茲特就吾滇所著聞者載之

祖孫八詞館則有若通海之董現登康熙庚辰孫健昆明

之錢學士雲登乾隆乙丑孫父子弟兄則有若晉甯之李均登

登乾隆乙丑子翊丁丑父子叔姪則有若蒙自之尹乾隆

甲戌子壯圖丙戌父子則有若鶴慶之蔣祖培登乾隆丁

胞姪英圖丁未兄弟則有若昆明之謝履忠登康熙癸

辰兄思蓮嘉慶乙丑宜良之嚴煥登嘉慶丙若祖孫父子兄弟叔姪



連舉鄉會試或兄弟叔姪同舉鄉試往往而有父子則建

水之黃公鉞與子鶴鳴同舉康熙甲午鶴鳴聯捷進士由望江縣知縣歷陞

江安糧石屏之陳公萬里與子履和同舉乾隆庚子現知

顧縣履和字海樓尤為希覓至先君問忠劉開填諱舉乾隆辛酉第

二子小子範亦舉甲午第二四百年來惟永昌張南園少

司農志淳舉前明成化庚子第一子賁所副使合亦舉宏

治辛酉第一名數之符似有定數太和趙公儀舉宏治辛

酉第四子汝濂舉嘉靖壬午第三較張氏之與寒家不無

參差矣選拔之典六年十二年一行得者榮逾登科而偶

儻之才亦多出其中除已捷鄉會外萬公鍾傑昆明人乾隆

乙酉官至福建按察使加布政司銜楊焯安甯人乙酉官黎平府知府加道銜楊自強通

海人乙酉官大府知府王建中劍川人乾隆辛酉官潮州運同姜有望通海人乾隆

丁酉官貴陽理番同知賞戴花翎何錚石屏人乾隆己酉官兵部額外主事李天壽建

水人嘉慶辛酉工部七品小京官他如保山王公宏祚崇禎庚午舉人本朝歷官

大司農加試大總裁卒後宮保銜康熙丁未會昆明虞公世纓由監生供奉

內廷歷官通政司參議河陽李公發甲康熙甲子舉人由教職歷官湖南巡撫昆明楊

公永斌康熙已卯舉人歷官廣東巡撫轉少宰昆明周公樽乾隆已卯舉人歷官安徽布政

司履署趙州蘇公霖康熙丙子舉人由師宗州學正歷官兩淮鹽運司蘇公霖



渤雍正癸卯進士由縣令行取主政歷官御史督學山西  
 乙卯典試湖北丙辰典試貴州丁巳同考乾隆元年考  
 試差第一時閱卷者為詞館察院例無重入而石屏張公  
 方望溪李巨來兩先生  
 漢康熙癸巳進士館選出知河南府罷守 昆明錢公士雲  
 後丁巳保舉鴻臚寺少卿光祿寺正卿擢授詹事府正詹歷陞  
 乙丑進士由編修轉御史緣事降主政歷任安陸府荆南  
 道入為鴻臚寺少卿光祿寺正卿擢授詹事府正詹歷陞  
 左司 昆明錢公澧辛卯進士由檢討轉御史歷陞通副以  
 馬調用賞主事又賞員外未履任特簡御史 皆屬邀 恩格外者蒼華滇洱  
 間倘能如桐城之張侯官之林高密之單相聯鵲起未必  
 不以此為之先聲也同日師範又記

鄉會主考同考及提學士林尤艷稱之滇自 本朝來康

熙丁未科會試永昌王公宏以兵部尚書為正主考乾隆

辛酉科順天鄉試昆明許公希以工部侍郎為順天副主

考癸卯科順天鄉試蒙自尹公壯以內閣學士為順天副

主考康熙丁巳科鄉試河陽趙公麟以員外郎為江南副主

考江西浙乙酉科鄉試通海董公玘以檢討為福建正主

考戊子科鄉試安甯段公曦以員外郎為陝西副主考辛

卯科鄉試元江馬公汝以檢討為湖廣副主考癸巳科鄉

試昆明謝公履以檢討為福建正主考石屏虞公炳以給事

中為山東正主考雍正癸卯科鄉試昆明王公思以檢討



爲廣東副主考丙午科鄉試安甯段公曦以御史爲河南

正主考趙州李公雲根以郎中爲山東正主考乙卯科鄉試

趙州蘇公霖以主事爲湖北副主考丙辰科鄉試蘇公霖

以主事爲貴州正主考丁卯科鄉試趙州龔公渤以學士

爲四川副主考建水陳公烈世以司業爲廣西正主考壬申

科鄉試晉甯李公培以內閣學士爲浙江正主考己卯科

鄉試昆明趙公瑗以員外郎爲湖北副主考嶧峨周公禮

以編修爲四川副主考庚辰科鄉試周公禮以御史爲四

川正主考壬午科鄉試昆明施公培以編修爲山西正主

考辛卯科鄉試尹公壯以員外郎爲廣西副主考庚子科

鄉試昆明錢公禮以檢討爲廣西副主考嘉慶庚申科建

水倪公思純以員外郎爲山西副主考康熙戊辰科會試石

屏許公賀以編修爲同考庚辰科會試石屏盧公炳以主

事爲同考戊子科順天鄉試趙州歐陽公方曜以主事爲同

考丁酉科順天鄉試昆明周公彬石屏張公漢均以檢討

爲同考戊戌科會試周公彬仍爲同考辛丑科會試張公

漢仍爲同考雍正癸卯科順天鄉試石屏何公朗以庶吉

士爲同考會試王公思訓爲同考甲辰科鄉會試王公思連



為同考丁未科會試李公雲根為同考乙卯科順天鄉試許

公希以檢討為同考乾隆丙辰科會試許公希仍為同考

丁巳科會試蘇公霖為同考辛酉科順天鄉試永北劉公

慥以編修為同考乙丑科會試龔公渤為同考癸酉科順

天鄉試甯州楊公文以郎中為同考丁丑科會試周公於

以編修昆明錢公士以主事均為同考己卯科順天鄉試

錢公士為同考庚辰科順天鄉試趙公瑗錢公士均為同

考辛巳科會試趙公瑗錢公士仍為同考丙戌科會試周

公於以御史為同考庚寅科順天鄉試石屏劉公經以檢

討為同考辛卯科會試劉公經仍為同考甲午科順天鄉

試周公於以大理寺少卿為同考丁酉科順天鄉試尹公

壯以御史為同考庚子科會試趙州谷公際以檢討為同

考甲寅科鄉試昆明錢公彬以編修為同考嘉慶己未科

會試倪公思為同考乙丑科會試錢公彬以員外郎為同

考康熙五十六年昆明謝公履以檢討為江南學院王公

思以檢討為江西學院乾隆二十年李公培以閣學為江

蘇學院二十七年以兵部侍郎仍為江蘇學院二十四年

以刑部侍郎為浙江學院十三年先以閣學為山東學院



雍正九年石屏羅公鳳彩以給事中為山東學院乾隆六年

蘇公霖以御史為山西學院四十八年錢公禮以通政司

副使連任湖南學院嘉慶十二年錢公彬以員外郎為貴

州學院至岳瀆祭告使俗呼香差尤極榮遇龔公勛以待

講學士祭北岳陳公烈以大理寺少卿祭南岳錢公雲以

正詹祭南海尹公壯以閣學祭長白山備錄之使鄉之人

知所瞻仰而後之繼起者尤冀有心人隨時紀載無致稍

缺是又非予一人之私望也雍正丙午通海趙公城以御史為貴州正主考

選舉考

選舉者人才所由出也三代遠矣漢唐宋元明以及魏晉

南北朝後五季取士之法各殊雖有善不善而其為人才

計者古今如一也我

國家重熙累洽加意裁成薄海內外無不麟奔鳳集矣滇自龐

遺爨龍顏即有秀才孝廉之稱蒙置學士段設科目楊奇

鯉李紫琮俱不愧選舉中人夷風固無足論然亦在滇言

滇耳元列版圖舉進士者五人明于洪武甲戌開科舉一

人丁丑二人永樂甲申至崇禎癸未七十三科共舉二百

五十八人鄉試亦開于洪武癸酉舉二人丙子二人永樂



壬午亦二人辛卯二十七人甲午三十五人丁酉五十三人庚子三十九人癸卯五十一人宣德丙午十人已酉十一人雲貴合科始此壬子十人乙卯十人正統戊午十人辛酉十四人甲子十三人丁卯十二人景泰庚午二十四人癸酉三十七人丙子二十人天順己卯二十人壬午二十一人成化乙酉二十人戊子二十四人辛卯二十四人甲午至乙卯俱二十九人宏治己酉二十九人壬子亦二十九人乙卯三十一人戊午三十人辛酉三十一人甲子三十一人正德丁卯三十一人庚午三十四人癸酉至嘉靖甲午

俱三十四人丁酉四十人雲貴自此始分科由庚子至甲子俱四

十人隆慶丁卯四十人庚午亦四十人萬歷癸酉至壬子

俱四十五人乙卯四十七人戊午四十七人天啓辛酉四

十八人甲子四十七人丁卯四十七人崇禎庚午四十八

人癸酉丙子己卯俱四十七人壬午五十四人三百年中

凡偉人傑士胥出其間楊文襄清嚴恭肅清孫清愍繼傅

忠壯宗毛黃門王王黃門元包侍郎捷薛光祿繼楊光祿

棟王宗伯錫皆表表史冊者而張侍郎志葛少卿仲楊大

諫士李侍御元高參政對塗太僕時張孝廉含張州牧化



尹州牧夢趙分守興楊分守忠馬中丞乾耿中丞廷龔侍

郎彝亦能後先輝映雖何可及名掛璫籍廖大亨賄庇普

酋推其心跡或可未減惟御史任饒之諂附孫可望令其

更官制定朝儀此則滇中之所罕見也 本朝順治十六

年己亥平滇辛丑補行庚子科鄉試用大司農保山王公

宏言仍舉五十四人康熙辛卯三十二人丙午二十七日

己酉三十人壬子二十七日癸丑吳逆犯順梗 化者八

年壬戌補行辛酉鄉試舉二十七日甲子三十人丁卯二

十七人庚午二十七日癸酉二十七日丙子四十二人己

卯四十五人壬午四十二人乙酉四十八人戊子五十八

辛卯六十三人癸巳六十人甲午六十人丁酉五十六人

庚子五十六人雍正癸卯六十六人甲辰五十六人丙午

五十九人己酉五十九人壬子六十五人乙卯五十九人

乾隆丙辰至甲子皆五十九人丁卯至乙卯皆五十四人

嘉慶戊午六十四人庚申至丁卯皆五十四人甲榜開子

康熙甲辰舉一人乃河陽趙少宰麟庚戌三人癸丑三人

乙丑吳逆既平仍舉一人乃石屏許侍講賀戊辰二人甲

戌二人丁丑三人庚辰四人癸未二人丙戌四人已丑四



人壬辰三人癸巳四人乙未四人戊戌四人辛丑二人雍正癸卯七人甲辰五人丁未十人庚戌十四人癸丑十二人乾隆丙辰八人丁巳十一人己未七人壬戌十人乙丑十人戊辰七人辛未八人壬申七人甲戌七人丁丑八人庚辰五人辛巳五人癸未四人丙戌五人己丑一人辛卯二人壬辰二人乙未二人戊戌二人庚子三人辛丑四人甲辰一人丁未二人己酉一人庚戌一人癸丑一人乙卯二人丙辰四人己未六人辛酉十人壬戌十人乙丑十人戊辰十二人其列明通中副榜又不下數十百千餘人

聞加科我

仁皇帝恩被士林于癸巳加一科

憲皇帝于甲辰加一科

純皇帝丙辰壬申庚辰庚寅己亥戊申甲寅共加七科今

皇帝已加二科一爲庚申一則本年戊辰也夫科榮于鄉甲榮于國要求所以無負此科甲者猶記甲午鹿宴後往謁李恭恪公湖于撫署公曰汝等五十四人中有詞部有科道有守牧有令苟不至中天亦有一教職居家宜絕外事出仕宜恤民隱虐下奉上不惟無益後必有害公之言真士



林藥石哉時藝本不足盡士而取士則舍此莫由講道德以束身心穴詩書以窮經濟挾天人之蘊發澤致之勳是在爲士者自勉之而滇之入宦途者倔強迂謹實所不免顧鮮以昧敗固屬風土之厚而

仁漸義摩之效于此可見一斑矣尤冀後賢互相刻勵以無爲前人羞是則予範作者之意也夫

學校考

選舉以求才然非有學校儲之未必所得盡副所求也滇之學校始于王阜蓋在漢章帝初矣後惟盛羅皮建孔子

廟于國中時尚未叛唐粵數百年元世祖入大理就其址拓之明則廟祀遍于兩迤我

國家連平亂逆登衽席而澤以詩書學校之典概同中州當鄂尹兩相國制滇陳桂林相國爲藩使培舊添新共立書院十餘處以雲南府之五華成材大理之中溪爲最著至義學之在雲南府屬者九十七所武定州屬者十九大理府屬者四十四麗江府屬者十四永昌府屬者十五楚雄府屬者七十四順甯府屬者十三永北廳者五蒙化廳者八景東廳者十七普洱府屬者二十二臨安府屬者五十二



元江州屬者十一鎮沅州屬者十六曲靖府屬者五十六  
澂江府屬者三十開化府屬者十二廣南府屬者八昭通  
府屬者二十四東川府屬者八廣西州屬者二十六夫以  
十四府三廳四直隸州之境所設義學已至五百七十一  
所之多証之他省未之有聞宜乎深林密箐間絃誦之聲  
不絕于耳雖上之人有以振之而守牧令長承流宣化之  
功究何可誣哉至童子之進于庠者大學二十名中學十  
五名小學十二名或八名府學實廩四十缺州學三十缺  
縣學二十缺增缺如之合一督學歲科之所錄共二千五

百六十名積三十年則其隸于學師者應得二萬五千六

百名十四項內

如中式丁憂等類

約除五千六百名謀生教讀兼

習四民之業者約計一萬五千名志功名望騰達者不過  
五千名而具雋異之才能為學校光者五千名中又不過  
三百名把持衙門作踐鄉里此風吾滇尚少要在為父兄  
者防之于未然耳僻遠之區購書甚難秘本固不可得然

御纂五經

御批通鑑集覽

欽定四書文皆頌之學署者他如

朱子綱目左國莊騷馬班八家之文以及昭明文選均能  
開拓心胸果以四子書為經以各書為緯與良師益友講



貫研索腹笥充裕根抵槃深捉筆可無仰屋之嗟臨文自  
有掉臂之樂世說載南人讀書如牖中窺日北人讀書如  
顯處看月專不專之分也鄉之人尚其裁之戊辰中元前  
五日師範記于江山一覽樓之燈下

時全繫告成四年積勞今喜得釋然鬚已漸白日已漸昏  
投溷覆瓿吾惟聽之若謂以鄉人說鄉事尚非越俎則區  
區之心或可告無罪于桑梓也。武科非古也至以功名  
顯者已載入人物茲不復贅況此途終以行伍為正歷練  
多則情偽熟奔走慣則筋力堅武科中遜其自然矣。丁

卯科解元萬華

江川縣人  
辛酉拔貢

戊辰詞館劉榮補

大姚縣人  
辛酉拔貢甲子

北榜廖敦行

建水縣人

楊本濬

南甯縣人  
刑部本昌弟

戊辰科解元湯集

義南甯

縣人

己巳詞館丁杰

保山縣人  
杜薇之

昆明縣人

是科中式十一

人戊辰十二人幾及大省之半皆由我

皇上垂念邊遠加意作興凡滇人士之沐浴

帝澤者宜思各盡其職以無孤此

盛典云

封廕略

封廕同為榮遇而廕為尤難其詳備載郡志今試舉其缺

真繁

六之一

人物

焉



者而載之明則劍川州段暄以父巴縣令高選殉奢酋之  
難廕錦衣衛千戶歷陞掌印指揮 本朝則保山縣王瑜  
以父戶部尚書宏祚廕員外郎昆明縣楊謹以祖永斌吏  
部侍郎廕主事歷陞按察使昆明縣魏崢以父臨沅鎮總  
兵葦國烏蒙之役爲祿逆刺客所傷廕主事歷陞巡道富  
民縣蔡琛以父成貴提督廕主事歷陞兵備道彌勒縣張  
廷柱以父耀祖提督廕主事歷官知府昆明縣南 某以祖  
天祥提督廕主事昆明縣周岱以父布政使樽廕現任鎮  
江府通判

軼事述

太和馬公對乾隆乙酉同考湖北六人皆拔貢永北譚君震嘉慶戊辰湖南解亞皆出其房

以人事君臣道無以尚之石淙陽文襄清一提學陝西拔呂

涇野

枏李空同

陽後復荐王公

守喬公

宇陸公深邵公寶何

公

景太和李中溪

元識張文忠

居正

河西葛澹淵仲識金文

毅

聲均在童試

本朝王端簡

宏充康熙丁未會試正總

裁得張文端

英

通海董文山

現康熙乙酉王試福建得蔡

文勤

世趙州李仙蟠

根

雍正丙午王試山東元單公

德謨蘇

海門

勸雍正乙卯王試湖北

元李公

北

晉甯李鶴峯

因培乾

隆王申王試浙江元李公

祖惠

咸按自落卷中新興管希落

六之一

人物

七



瀨康熙癸未同考會試得王公式丹為會狀石屏張月槎漢

丁酉順天同考鄉試得胡公宗辛丑同考會試得諸公文大

為會元蘇海門乾隆丁巳會試同考得錢公琦趙州龔學

耕渤乙丑同考會試得溫公敏嵎峨周立崖禮丁丑同考

會試得汪制軍新彭司空元石屏劉石渠經庚寅順天鄉

試同考得吳制軍光熊姜方伯開顧太守宗蒙自尹楚珍壯

丁酉順天鄉試同考得章公誠趙州谷西阿際庚子會試

同考得初公齡李公英陳太守春波督學之任尤為更重昆

明王永齋思于江西則得帥公念周公健晏公斯蘇海門于

山西則得康公基石屏羅竹園彩于山東建水傅謹齋為

于奉天李鶴峯于江蘇浙江昆明錢南園澧于湖南凡英俊

之士無不脫穎而出即為郡守牧令之司歲科試者亦知

錄取真材以副得人之選如永北朱珮旭所以今協揆戴

公衢冠童子軍蓋其一也

乾隆己未楊公永以少宰充讀卷官定莊公有恭于十本

內 欽點狀元錢公士以少司馬充辛丑讀卷官定陳

公萬入五本 欽點榜眼閣學尹公壯甲辰護 蹕

南巡與石菴相國同閱江浙 詔試卷



滇人之寄籍他鄉者楊公清寓丹徒王公翰寓江甯本

朝王公宏亦寓江甯後皆無聞惟雲南縣王公忠于勝國

中官山東鹽場入籍福山其元孫瞿舉順治己丑進士歷

官大司農繼之者中丞檢光祿卿果方伯顯觀察緒侍讀

燕臬使慶太守善茲于己巳會試餘師同舉進士簪纓之

盛幾甲字內蘇公弘入籍遵義其孫必達乾隆己酉舉人現

官安徽知縣李公想入籍江夏其子熾乾隆己亥舉人熹高

唐州吏目南公天入籍江夏其子某官知州孫光現官鳳

陽王簿楊公灌入籍涿州其子棠官南河州同

太湖魯公裕幼從其太翁官滇自號三南謂生于江南長

于雲南老于河南也三原王公士亦隨其父行賈瀾渡師

周解元渭遂入趙州學後歸陝應試中癸酉鄉魁官永康

州知州

愛鍊道人雲南人少為諸生明亡棄家為道士性愛鍊見

必拜頭項肩臂以至胸背腰足皆懸鍊片行路錚錚然辟

穀不火食嗜飲人與之酒張口入之婦人則揮去或問之

答曰男女可親授乎與四川銅袍道人張閑善銅袍者聯

銅片而服之遂以名常同愛鍊飲于市醉則歌烏烏大慟



而後去

嘗讀唐孫可之文謂南詔之在唐率以儒爲教先彬彬然與諸夏尙惜乎撰著烟銷無可按訪矣又謂由蜀而南馳七千里逾昆明涉不毛其羣蠻之雄者曰南詔則可爲今昆明非古昆明之一證至蒙氏時有爨泰爲學士師杜光庭爨段同音段姓或卽爨之所改歟

乾隆乙巳嘉慶丙辰兩舉千叟宴滇人之與此者前則尹封翁均年六十九李通經鳳年六十八時先大人年已七十有一謁選日減注十歲逐致部駁先大人手書門帖

云孤恩千叟宴稱職石碑廳蓋以甲辰計典方過也後則

謝侍御清年六十四楊大令名馨年甫及六十前後寬嚴之

不同有如此

吉安馬郡丞千里雲南人來任時舟行九江病甚將不起時二妾相隨一沐氏一侯氏日侍湯藥無効沐乃謀所以療夫私計惟割股一事引刀置左股數次不能入侯窺見亦欲自割弗得於是兩人共商一人牽肉一手引刀遂各伸左手股互抉其肉烹湯以進馬立回生

人物補

六之一

人物



張端亮蒙化人踰冠卽舉康熙己酉鄉試癸丑吳逆梗化屢以僞命迫之逃入水目山爲僧滇平始返初服歷官浪穹石屏儒學升知濰縣九十餘乃終公善畫工詩書學晉人晚年尤喜寫松鶴稱爲得神迤西風雅之彥實以公爲首云

楊如松保山人雍正甲辰進士分兵部由主事歷升郎中擢御史公性警敏熟鍊機務在樞曹日檔房失火卷案全燬公以筆疏之後從各署移提底冊咸相符合堂官倚如左右手旋以跼班失期部議降調卒于京邸葬趙忠愍墓側

錢汝霖昆明人由乾隆癸酉拔貢中丙子鄉試官山西平魯縣調鳳台升潞安同知擢守榆林以艱歸遂不復出賃屋而居其苦有過于寒素者公性敏而操潔鳳台人至今俎豆之永昌陳公國初與公同榜亦官晉之岳陽調永濟升平陽同知服闋後補丞雷州旋升江西袁州府爲和珅所中勒令休致抵里卽避居墓舍足跡不至城市卒時甫踰六十

尹英圖字北牕履歷見前其令恩施日募鄉勇五千餘隨經略額公剿捕逆匪縱馬追殺得勝而還額公把其臂曰



何物書生雄俊乃爾使武職盡如子何患賊之不平北牕  
益自奮賊屢思得而甘心輒以智免蜀之奉節爲賊所苦  
紳民來乞援星馳赴之三戰賊遁去奪回被難老弱數千  
口中有少艾百餘人乞援者欲以奉北牕北牕叱而卻之  
諸婦女伏地泣不肯起詢其故則廬舍已燬骨肉已殘北  
牕引奉節令周君謂之曰吾與君皆若等父母今旣無歸  
可擇邑人無妻者相年酌配並註冊存案三日方畢始引  
軍還楚後升施南府戊辰冬以龔勸休予與公同病亦于  
是歲入計典嗚呼予何足論以北牕之功雖開府無愧乃

爲疾所厄蓋天也



沙

重

4

蘇

蘇



